

古文奇賞卷之二十一

古吳陳仁錫選評 仁和郎奎金重訂

無名公傳 宋邵堯夫

自宋文之
有氣魄者
吾寧取之

夫無名者不可得而名也凡物有形則可器可器斯

此等排偶雖雄勁之筆猶不免時使然

可名然則斯人無體乎曰有體有體而無跡者也斯

也

人無用乎曰有用有用而無心者也夫有跡有心者

斯可得而知也無跡無心者雖鬼神亦不可得而知

不可得而名而況於人乎故其詩曰思慮未起鬼神

莫知不由乎我更由乎誰能造萬物者天地也能造

天地者太極也太極者其可得而知乎故強名之曰

公嘗言曰
吾不學胡
有亂走

太極太極者其無名之謂乎故嘗自爲之贊曰借爾
而貌假爾形骸夫九餘暇閒遑閒來人告之以修福
對曰吾未嘗不爲善人告之以禳災對曰吾未嘗妄
祭故詩曰禍如許免人須諂福若待求天可量又曰
中孚起信寧煩禱無妄生災不易禳性善飲酒常命
之曰太和湯詩曰不佞禪伯不諛方士不出戶庭直
際天地家素業爲儒口未嘗不言儒言身未嘗不行
儒行故其詩曰心無妄思足無妄走人無妄交物無
妄受炎炎論之甘處其陋綽綽言之無出其右義軒
之書未嘗去手堯舜之談未嘗虛口當中和天同樂

易友吟自在詩歛歡喜酒百年升平不爲不偶修十
康強不爲不壽此其無名公之待乎之聽知未必聽
而不可不言者所以盡爲忠之心况臣遭遇聖明容
納諫諍言之未必不聽其可默而不言臣伏聞去
歲以來群臣多言皇嗣之事臣亦嘗附災異竊有奏
陳雖聖度包容不加誅戮而愚誠懇至天聽未回臣
亦不勝愛君之心日夜區區未嘗忘此思欲再陳狂

嘗言曰
言不學胡
有亂走

祭故詩曰禍如許免人須言福若待求天可量又曰
中孚起信寧煩禱無妄生災不易穰性善飲酒常命
之曰太和湯詩曰不佞禪伯不諛方士不出戶庭下
際天地家素業爲儒口未嘗不言儒言身未嘗不行
儒行故其詩曰心無妄思足無妄走人無妄交物無
妄與來爲不盡此其無隆公亦皆平無出其右義重
之貴爭自去持幾幾喜後民平不平平不與出

論選皇子疏

歐陽修

臣聞言天下之難言者不敢冀必然之聽知未必聽而不可不言者所以盡爲忠之心况臣遭遇聖明容納諫諍言之未必不聽其可默而不言臣伏見自去

曲

歲以來群臣多言皇嗣之事臣亦嘗因災異竊有奏陳雖聖度包容不加誅戮而愚誠懇至天聽未回臣亦不勝愛君之心日夜區區未嘗忘此思欲再陳狂

瞽而未知所以爲言今者伏見兗國公主近已出降

乘公主出降而入詔頭

臣因竊思人之常道莫親於父子之親人之常情亦莫樂於父子之樂雖在聖哲異於凡倫其爲天性於

理則一陛下嚮雖未有皇嗣而尚有公主之愛上慰
聖顏今既出降漸疎左右則陛下萬幾之暇處深宮
之中誰可與語言誰可承顏色臣愚以謂宜因此時
出自聖意於宗室之中選材賢可喜者錄以爲皇子
使其出入左右問安侍膳亦足以慰悅聖情臣考於
書史竊見自古帝王雖曰至尊未嘗獨處也其出而

客情

居外也不止百司公見奏事而已必有儒臣學士講
論於閒宴又有左右侍從顧問語言其入而居內也

主情

不止宦官宮妾在於左右而已其平居燕寢也則有
太子問安侍膳於朝夕其優游宴樂也多與宗室子

弟。懽。然。相。接。如。家。人。計。其。一。日。之。中。未。嘗。一。時。獨。處。
也。今。陛。下。日。御。前。後。殿。百。司。奏。事。者。徃。徃。仰。瞻。天。顏。
而。退。其。甚。幸。者。得。承。一。二。言。之。德。音。君。臣。之。情。不。通。
上。下。之。意。不。接。其。餘。在。廷。之。臣。儒。學。侍。從。之。列。未。聞。
一。人。從。容。親。近。於。左。右。入。而。居。內。則。至。於。問。安。侍。膳。
亦。闕。於。朝。夕。是。則。陛。下。富。有。四。海。之。廣。躬。享。萬。乘。之。
尊。居。外。則。無。一。人。可。親。居。內。則。無。一。人。得。親。此。臣。所。
○至○情○以。區。區。而。欲。言。也。伏。況。陛。下。荷。祖。宗。之。業。承。宗。廟。社。
稷。之。重。皇。子。未。降。儲。位。久。虛。群。臣。屢。言。大。議。未。決。臣。
前。所。奏。陳。以。謂。未。必。立。爲。儲。貳。而。且。養。爲。子。旣。可。以。

直人所不
敢言亦所
不能言

徐○察○其○賢○否○亦○可○以○待○皇○子○之○降○生○於○今○爲○之○亦○其○
時○也○臣○言○狂○計○愚○伏○俟○財○擇○

論美人張氏恩寵宜加裁損劄子

臣近風聞禁中因皇女降生於左藏庫取綾羅八千
疋染院工匠當此大雪苦寒之際敲水取水染練供
應頗甚艱辛臣伏思陛下恭儉勤勞愛民憂國以此
勞人在費之事必不肯爲然外議相傳皆云見今染
練未絕臣又見近日內降美人張氏親戚恩澤太頻
臣忝爲諫官每聞小有虧損聖德之事須合力言難
避天譴臣竊見自古帝王所寵嬪御若能謙儉柔善

不求恩澤則可長保君恩或恣意驕奢之求只博
皆速致禍敗臣不敢遠引古事只以今宮禁近事言
之陛下近年所寵尚氏楊氏余氏苗氏之類當其被
寵之時驕奢自恣不早裁損及至滿盈今皆何在況
聞張氏本良家子昨自修媛退爲美人中外皆聞以
謂與楊尚等不同故能保寵最久今一旦宮中取索
頓多恩澤日廣漸爲奢侈之事以招外人之言臣不
知陛下欲愛惜保全張氏或欲縱恣而敗之若欲保
全則須常令謙儉不至驕盈臣料八千疋綾羅必非
張氏一人獨用不過支散與衆人而已乃是枉費財

敬○盡○爲○衆○人○至○于○中○外○譏○議○則○陛○下○自○受○以○此○而○言○
散○何○益○昨○三○月○一○日○曹○氏○封○縣○君○至○初○五○日○又○封○
郡○君○四○五○日○間○兩○度○封○拜○又○聞○別○有○內○降○應○是○疎○遠○
親○戚○盡○求○恩○澤○父○母○因○子○而○貴○可○矣○然○名○分○亦○不○可○
太○過○其○他○疎○遠○皆○可○減○罷○臣○謂○張○氏○未○入○宮○之○前○疎○
遠○親○戚○各○皆○何○在○今○日○富○貴○何○必○廣○爲○開○人○自○招○訪○
議○以○累○聖○德○若○陛○下○只○爲○張○氏○計○亦○宜○如○此○况○此○事○
不○獨○爲○張○氏○大○凡○後○宮○恩○澤○太○多○官○中○用○度○奢○侈○皆○
是○虧○損○聖○德○之○事○繫○於○國○體○臣○合○力○言○代○聖○慈○防○
微○杜○漸○早○爲○裁○損○取○進○止○

荅陝西安撫使范龍圖辭臂命書

與荆南樂書始隨世俗作時文得第已來自以前所寫不足以稱有司之舉而當長者之知如以其爲賤幾有立然言出而罪至學成而身辱爲彼則獲美焉此則受禍也此明效也

修頓首再拜啓急步至得七月十九日華州所發書伏審卽日尊體動止萬福戎狄侵邊自古常事邊吏無狀卽煩大賢伏惟執事忠義之節信于天下天下之士得一識面者退誇于人以爲榮耀至於游談市衣之賤往往竊託門下之名矧今以大謀小以順取逆濟以明哲之才有必成功之勢則士之好功名者於此爲時孰不願出所長少助萬一得託附以成其名哉況聞狂虜猖獗屢有斥指之詞加之輕侮頗募之辱至於執戮將吏殺害邊民凡此數事在於修輩

此上序西人之當憤以

尤為憤耻每一思之中夜三起不幸修無所能徒以

下邳自辭幕府

少喜文字過為世俗見許此豈足以當大君子之舉

哉若夫叅決軍謀經畫財利料敵制勝在於幕府苟

不乏人則軍書奏記一末事耳有不待修而堪者矣

後漢書文唯工而可喜易悅而自

由此始敢以親為辭況今世人所謂四六者非修所

足

妙少為進士時不免作之自及第遂棄不復作在西

歐公崛強處

京佐三相幕府於職當作亦不為作此師魯所見今

廢已久懼無好辭以辱命此一端也伏見自至開

西辟土甚眾古人所與成事者必有國士共之非惟

在上者以知人為難士雖貧賤以身許人固亦未易

與石推官
書士之不
為釋老與
不雕刻文
章者譬如
為吏而不
受貨財蓋
是待以為
對也

欲其盡死必深相知知之不盡士不爲用今奇怪豪

歐公氣之慷慨如此

雋之士往往蒙見收擇顧用之如何爾然尚慮山林

歐公不欲依范公又欲范公博搜

草莽有挺特知義慷慨自重之士未得出於門下也

天下之士

宜少思焉若修者恨無他才以當長者之用非敢効

庸人苟且樂安佚也幸察

歐公本不欲爲范公幕府書記故云與之同其退

可也與之同其進不可也此是歐公自立處

釋秘演詩集敘

予少以進士遊京師因得盡交當世之賢豪然猶以

何等胸次

謂國家臣一四海休兵革養息天下以無事者四十

多慷慨鳴咽之音覽之如聞擊者蓋秘

年而智謀雄偉非常之士無所用其能者往往伏而
不出山林屠販必有老死而世莫見者欲從而求之
不可得其後得吾亡友石曼卿曼卿爲人廓然有大

志時人不能用其材曼卿亦不屈以求合無所放其

伏后隱於酒與極飲大歌一跋案

志則往往從布衣野老酣嬉淋漓顛倒而不厭予疑

所謂伏而不見者庶幾狎而得之故嘗喜從曼卿遊

欲因以陰求天下奇士浮屠秘演者與曼卿交最久

亦能遺外世俗以氣節相高二人懽然無所間曼卿

隱於酒秘演隱於浮屠皆奇男子也然喜爲歌詩以

自娛當其極飲大醉歌唫笑呼以適天下之樂何其

壯也。一時賢士皆願從其遊。予亦時至其室。十年之間。秘演北渡河東之濟鄆。無所合。因而歸。曼卿已死。秘演亦老病。嗟夫二人者。予乃見其盛衰。則予亦將老矣。夫曼卿詩辭清絕。尤稱秘演之作。以爲雅健。有詩人之意。秘演狀貌雄傑。其胸中浩然。既習于佛。無所用。獨其詩可行於世。而顧不自惜。已老。肱其橐。尚得三四百篇。皆可喜者。曼卿死。秘演漠然無所向。聞東西多山水。其巔崖岷嶧。江湧洶涌。甚可壯也。遂欲往遊焉。足以知其老而志在也。於其將行。爲序其詩。因道其盛時以悲其衰。

篇尾

結束前案

送徐無黨南歸序

草木鳥獸之爲物衆人之爲人其爲生雖異而爲死則同一歸於腐壞漸盡泯滅而已而衆人之中有聖賢者固亦生且死於其間而獨異於草木鳥獸衆人者雖死而不朽逾遠而彌存也其所以爲聖賢者修之於身施之於事見之於言是三者所以能不朽而存也脩於身者無所不獲施於事者有得有不得焉其見於言者則又有能有不能也施於事矣不見于言可也自詩書史記所傳其人豈必皆能言之士哉修於身矣而不施於事不見於言亦可也孔子弟子

草木鳥獸之爲物衆人之爲人其爲生雖異而爲死則同一歸於腐壞漸盡泯滅而已而衆人之中有聖賢者固亦生且死於其間而獨異於草木鳥獸衆人者雖死而不朽逾遠而彌存也其所以爲聖賢者修之於身施之於事見之於言是三者所以能不朽而存也脩於身者無所不獲施於事者有得有不得焉其見於言者則又有能有不能也施於事矣不見于言可也自詩書史記所傳其人豈必皆能言之士哉修於身矣而不施於事不見於言亦可也孔子弟子

有能政事者矣有能言語者矣若顏回者在陋巷曲肱餓臥而已其群居則默然終日如愚人然自當時群弟子皆推尊之以爲不敢望而及而後世更百千歲亦未有能及之者其不朽而存者固不待施於事况於言乎予讀班固藝文志唐四庫書目見其所列自三代秦漢以來著書之士多者至百餘篇少者猶三四十篇其人不可勝數而散亡磨滅百不一二存焉予竊悲其人文章麗矣言語工矣無異草木榮華之飄風鳥獸好音之過耳也方其用心與力之勞亦何異衆人之汲汲營營而忽焉以死者雖有遲有速

與三者同歸於泯滅夫言之不可恃也蓋如此

學者莫不慕古聖賢之不朽而勤一世以盡心

於文字間者皆可悲也東陽徐生少從予學爲文章

稍稍見稱于人既去而與群士試於禮部得高第由

是知名其文辭日進如水涌而山出予欲摧其盛氣

而勉其思也故於其歸告以是言然予固亦喜爲文

辭者亦因以自警焉

海陵許氏南園記事患不爲與夫怠而止爾惟力

行而不怠以止然後知予言之可信也浮槎山水

記凡物不能自見而待人以彰者有矣其物未必

可貴而因人以重者亦有矣。噫可懼也。

歐陽公極好爲文。晚年見得如此。吾輩生平好著文章。以自娛。當爲深省。

送楊賓序

予嘗有幽憂之疾。遇琴瑟不能治也。旣而學琴于

摹寫之

友人孫道滋。受官聲數引。久而樂之。不知疾之在其

跌起

風雅之音如欲神解

體也。夫琴之爲技小矣。及其至也。大者爲官。細者爲

羽。操絃驟作。忽然變之急者。悽然以促。緩者舒然以

和。如崩崖裂石。高山出泉。而風雨夜至也。如怨夫寡

婦之歎息。雌雄雍雍之相鳴也。其憂深思遠則舜與

文王孔子之遺音也。悲愁感憤。則伯奇孤子。屈原忠

臣之所歎也。喜怒哀樂動人。必深而純。古淡泊與夫

堯舜三代之言語。孔子之文章。易之憂患。詩之怨刺。

無以異其能聽之以耳。應之以手。取其和者。道其湮

鬱。寫其幽思。則感人之際。亦有至者焉。予友楊君好

學。有文累以進。士舉不得志。及從廕調。爲尉於劍浦。

區區在東南數千里外。是其心固有不平者。且少又

多疾。而南方少醫藥。風俗飲食異人。以多疾之體有

不平之心。居異宜之俗。其能鬱鬱以久乎。然欲平其

心以養其疾於琴。亦將有得焉。故予作琴說以贈其

行且邀道滋酌酒進琴以爲別

公所厚善者曾鞏梅聖俞送梅序所謂能先群物而貴於世者特其異而已則光氣之輝然者豈能掩之哉送曾序曾生橐其文數十萬言來京師京師之人無求曾生者然曾生亦不以干也其以節廉相許如此

送田畫秀才寧親萬州序

夫然從遠處說來五代之初天下分爲十三四及建隆之際或滅或微其在者猶七國而蜀與江南地最大以周世宗之雄三至淮上不能舉李氏而蜀亦恃險爲阻秦隴山南

皆被侵奪而荆人縮手歸峽不敢西窺以爭故地及
太祖受天命用兵不過萬人舉兩國如一郡縣吏何

其偉歟當此時文初之祖從諸將西平成都及南攻

江南

金陵功最多於時語名將者稱田氏田氏功書史官

一篇立論根

祿世于家至今而不絕及天下已定將率無所用其

入田秀才

武士君子爭以文儒進故文初將家子反衣白衣從

感慨

鄉進士舉於有司彼此一時亦各遭其勢而然也文

初辭業通敏為人敦潔可喜歲之仲春自荆南西拜

其親於萬州維舟夷陵予與之登高以遠望遂遊東

山窺綠蘿溪坐盤石文初愛之留數日乃去夷陵者

伏結語引案

其地志云北有夷山以爲名或曰巴峽之險至此地
始平夷蓋今文初所見尚未爲山川之勝者由此而
上泝江湍入三峽險怪奇絕乃可愛也應首人蜀作韵語結當王師伐蜀
時兵出兩道一自鳳州以入一自歸州以取忠萬以
西今之所經皆王師嚮所用武處覽其山川可以慨
然而賦矣

豐樂亭記

脩既治滁之明年夏始飲滁水而甘問諸滁人得于
州南百步之近其上豐山聳然而特立下則幽谷窈
然而深藏中有清泉滃然而仰出俯仰左右顧而樂

之丁是疏泉鑿石闢地以爲亭而與滁人往遊其間。

滁于五代干戈之際用武之地也昔太祖皇帝嘗以

周師破李景兵十五萬于清流山下生擒其將皇甫

暉姚鳳于滁東門之外遂以平滁修嘗考其山川按

其圖記升高以望清流之關欲求暉鳳就擒之所而

故老皆無在者蓋天下之平久矣自唐失其政海內

分裂豪傑並起而爭所在爲敵國者何可勝數及宋

受天命聖人出而四海一嚮之憑恃險阻剗削消磨

百年之間漠然徒見山高而水清欲問其事而遺老

盡矣今滁介于江淮之間舟車商賈四方賓客之所

又感慨好

又宿開說

宋朝文字
佳者最珍
瓏秀善脫
不得一弱
字歐蘇皆
不免焉如
王之微過
曉刻會之
微過謹嚴
而弱微亦
見惟老泉
雄渾尚帶
習氣耳

不至民生不見外事而安於畎畝衣食以樂生送死
而孰知上之功德休養生息涵煦百年之深也修之
來此樂其地僻而事簡又愛其俗之安閒既得斯泉
於山谷之間乃日與滁人仰而望山俯而聽泉掇幽
芳而蔭喬木風霜水雪刻露清秀四時之景無不可
愛又幸其民樂其歲物之豐成而喜與予游也因爲
本其山川道其風俗之美使民知所以安此豐年之
樂者幸生無事之時也夫宣上恩德以與民共樂刺
史之事也遂書以名其亭焉

樊侯廟災記

議歸於正
分明是謂
議樊將軍
之旨

鄭之盜有入樊侯廟剽神象之腹者既而大風雨雹
近鄭之田麥苗皆死人咸駭曰侯怒而爲之也予謂
樊侯本以屠狗立軍功佐沛公至成皇帝位爲列侯
邑食舞陽剖符傳封與漢長久禮所謂有功德於民
則祀之者歟舞陽距鄭既不遠又漢楚常苦戰滎陽
京索間亦侯平生提戈斬級所立功處故廟而食之
宜矣方侯之叅乘沛公事危鴻門振目一顧使羽失
氣其勇力足有過人者故後世言雄武稱樊將軍宜
其聰明正直有遺靈矣然當盜之傳刃腹中獨不能
保其心腹腎腸哉而反貽怒於無罪之民以騁其恣

雖何哉。豈生能萬人敵而死不能庇一躬邪。豈其靈
不神於禦盜而反神於平民以駭其耳目邪。風霆雨
雹。天之所以震耀威罰有司者而侯又得以濫用之
邪。蓋聞陰陽之氣。怒則薄而爲風。霆其不和之甚者
凝結而爲雹。方今歲且久旱。伏陰不興。壯陽剛燥。疑
有不和而凝結者。豈其適會民之自災也邪。不然則
喑鳴叱吒使風馳霆擊。則侯之威靈暴矣哉。

唐荆川曰。文不過三百字而十餘轉。摺愈出愈奇。
文之最妙者也。

太常博士尹君墓志銘

君諱源字子漸姓尹氏與其弟洙師魯俱有名於當

世其論議文章博學強記皆有以過人而師魯好辯

兄

果於有爲子漸爲人剛簡不矜飾能自晦藏與人居

楊

久而莫知至其楊一有所發則人必驚伏其視世事若

楊

不干其意已而摧其成僞計其成敗後多如其言其

楊

性不能容常人而善與人交久而益篤自天聖明道

之間予與其兄弟交其得於子漸者如此其曾祖諱

誼贈光祿少卿祖諱文化官至都官郎中贈刑部侍

郎父諱仲宣官至虞部員外郎贈工部郎中子漸初

以子蔭補三班借職稍遷左班殿直天聖八年舉進

士及第爲奉禮郎累遷太常博士歷知芮城河陽二
縣僉署孟州判官事又知新鄭縣通判涇州慶州知
懷州以慶曆五年三月十四日卒於官趙元昊寇邊
圍定州堡大將葛懷敏發涇原兵救之君遺懷敏書
曰賊舉其國而來其利不在城堡而兵法有不得而
救者且吾軍畏法見敵必赴而不計利害此其所以
數敗也宜駐兵瓦亭見利而後動懷敏不能用其言
遂以敗死劉渙知滄州杖一卒不服渙命斬之以聞
坐專殺降知密州君上書爲渙論直得復知滄州范
文正公嘗薦君材可以居館閣召試不用遂知懷州

慶曆初韓范富公罷相歐公所最感傷處故凡于當時名士處志之

至期月大治是時天子用范文正公與今觀文殿學
文往往累欬及此

士富公武康軍節度使韓公欲更置天下事而權倖

小人不便三公皆罷去而師魯與時賢士多被誣枉

可○涕○可○涕○

悲○憤○之○極○

得罪君歎息憂悲發憤以謂生可厭而死可樂也往

往○被○酒○哀○歌○泣○下○朋○友○皆○竊○怪○之○已○而○以○疾○卒○享○年○

五十至和元年十有二月十三日其子材葬君于河

南府壽安縣甘泉鄉龍洲里其生平所為文章六十

篇皆行于世男四人曰材植機桴鳴呼師魯常勞其

傷

智于事物而卒蹈憂患以窮死若子漸者曠然不有

累其心而無所屈其志然其壽考近以不長豈其所

總寫交遊
之情而自
江及樂善
死然言外

謂短長得失者皆非此之謂也其所以然者不可得
而知歟銘曰 有韞于中不以施一憤樂死其如歸
豈其志之將衰不然世果可嫉其如斯 無限深情

張子野墓志銘

吾友張子野既亡之二年其弟充以書來請曰吾兄
之喪將以今年三月某日葬于開封不可以不銘銘
之莫如子宜嗚呼予雖不能銘然樂道天下之善以
傳焉况若吾子野者非獨其善可述有平生之舊
朋友之恩與其可哀者皆宜見于予文宜其來讀于
予也初天聖九年予爲西京留守推官是時陳郡謝

希深南陽張堯夫與吾子野尚皆無恙于時一府之
上皆魁傑賢豪日相往來飲酒歡呼上下角逐爭相
先後以爲笑樂而堯夫子野退然其間不動聲氣寥

沉著

皆指爲長者予時尚少心壯志得以爲洛陽東西之

宛○辭○

衝賢豪所聚者多爲適然耳其後去洛來京師南走

夷陵並江漢其行萬三四千里山硯水厓窮居獨遊

思從曩人邈不可得然雖洛人至今皆以謂無如嚮

時之盛然後知世之賢豪不常聚而交游之難得爲

可惜也初在洛時已哭堯夫而銘之其後六年又哭

希深而銘之今又哭吾子野而銘于是又知非徒相

得之難而善人君子欲使幸而久在於世亦不可得。嗚呼可哀也已。子野之世曰贈太子太師諱某曾祖也。宣徽北院使樞密副使累贈尚書令諱遜皇祖也。尚書比部郎中諱敏中皇考也。曾祖妣李氏隴西郡夫人。祖妣宋氏昭化郡夫人。孝章皇后之妹也。妣李氏永安縣大君子野家。聯后姻世久貴仕而被服操履甚于寒儒。好學自力。善筆札。天聖二年舉進士。歷漢陽軍司理叅軍。開封府咸平主簿。河南法曹叅軍。王文康公錢思公謝希深與今參知政事宋公咸薦其能。改著作佐郎。監鄭州酒稅。知閬州。閬中縣就拜。

秘書丞秩滿知亳州鹿邑縣寶元二年二月丁未以疾卒于官享年四十有八子伸郊社掌生次從次幼未名女五人一適人矣妻劉氏長安縣君子野爲人外雖愉恬中自刻苦遇人渾渾不見圭角而志守端直臨事果決平居酒半脫冠垂頭童然秃且白矣子固已悲其早衰而遂止於此豈其中亦有不自得者邪子野諱先其上世博州高堂人自曾祖已來家京師而葬開封今爲開封人也銘曰嗟夫子野質厚材良孰屯其亨就短其長豈其中有不自得而外物有以戕開封之原新野之鄉三世于此其歸其藏

石曼卿墓表

以悲慨帶敘事歐陽公知得曼卿如印在心故描寫得會哭會笑

曼卿諱延年姓石氏其上世爲幽州人幽州入于契丹其祖自成始以其族間走南歸天子嘉其來將祿之不可乃家於宋州之宋城父諱補之官至太常博士幽燕俗勁武而曼卿少亦以氣自豪讀書不治章句獨慕古人奇節偉行非常之功視世俗屑屑無足動其意者自顧不合于時乃一混于酒然好劇飲大醉頽然自放由是益與時不合而人之從其遊者皆知愛曼卿落落可奇而不知其才之有以用也年四十八康定二年二月四日以太子中允秘閣校理卒

于京師曼卿少舉進士不第真宗推恩三舉進士皆
補奉職曼卿初不肯就張文節公素奇之謂曰母老
乃擇祿耶曼卿曼然起就之遷殿直久之改太常寺
太祝知濟州金鄉縣歎曰此亦可以爲政也縣有治

以下節、暗味出才之有以用處

聲通判乾寧軍丁母永安縣軍李氏憂服除通判永
靜軍皆有能名充館閣校勘累遷大理寺丞通判海
州還爲校理莊獻明肅太后臨朝曼卿上書請還政
天子其後太后崩范諷以言見幸引嘗言太后事者
遽得顯言欲引曼卿曼卿固止之乃已自契丹通中
國德明盡有河南而臣屬遂務休兵養息天下晏然

內外弛武三十餘年曼卿上書言十事不報已而元
昊反西方用兵始思其言召見稍用其說籍河北河
東陝西之民得鄉兵數十萬曼卿奉使籍兵河東還
稱旨賜緋衣銀魚天子方思盡其才而且病矣旣而
聞邊將有欲以鄉兵捍賊者笑曰此得吾祖也夫不
教之兵勇怯相雜若怯者見敵而動則勇者亦率而
潰矣今或不暇教不若募其敢行者則人人皆勝兵
此落、落、可、奇也其視世事蔑若不足爲及聽其施設之方雖精思
深慮不能過也狀貌偉然喜酒自豪若不可繩以法
度退而質其平生趣舍之節無一悖于理者遇人無

賢愚皆盡忻懽及可否天下是非善惡當其意者無
幾人其爲文章勁健稱其意氣有子濟滋天子聞其
喪官其一子使祿其家旣卒之三十七日葬于大濤
之先塋其友歐陽修表于其墓曰 嗚呼曼卿寧有

混以爲高不少屈以合世可謂自重之士矣士之所

負者愈大則其自顧也愈重自顧愈重則其合愈難

打轉前

然欲與共大事立奇功非得難合自重之士不可爲

也古之魁雄之人未始不負高世之志故寧或毀身

悲慨

汚迹卒困于無聞或老且死而幸一遇猶克少值于

世若曼卿者非徒與世難合而不克所施亦其不幸

一轉尤妙

通篇交情
相感歎更
比諸篇有
生色文章
中之國風
也

不得至乎中壽其命也夫其可哀也夫

河南府司錄張君墓表

故大理寺丞河南府司錄張君諱汝士字堯夫開封
襄邑人也明道二年八月壬寅以疾卒于官享年三
十有七卒之七日葬洛陽北邙山下其友人河南尹
師魯志其墓而廬陵歐陽修爲之銘以其葬之速也
不能刻石乃得金谷古輓命太原王顧以丹爲隸書
納於壙中嘉祐二年某月某日其子吉甫山甫改葬
君於伊闕之教忠鄉積慶里君之始葬北邙也吉甫
纔數歲而山甫始生予及送者相與臨穴視窆且封

故舊之情

哭而去今年春予主試天下貢士而山甫以進士試
禮部乃來告以將改葬其先君因出銘以示予蓋君
之卒離今二十有五年矣初天聖明道之間錢文僖
公守河南公王家子特以文學仕至貴顯所至多招
集文士而河南吏屬適皆當時賢材知名士故其幕
府號爲天下之盛君其一人也文僖公善待士未嘗
責以吏職而河南又多名山水竹林茂樹奇花怪石
其平臺清池上下荒墟草莽之間予得日從賢人長
者賦詩飲酒以爲樂而君爲人靜默修潔常坐府治

次堯夫行已處甚畧而以尹師魯之志爲案

事省文書尤盡心於獄訟初以辟爲其府推官旣罷

入辟司錄河南人多賴之而守尹屢薦其材君亦工
書喜爲詩間則從予遊其語言簡而有意飲酒終日
不亂雖醉未嘗頽墜與之居者莫不服其德故師魯
志之曰飭身臨事予嘗愧堯夫堯夫不予愧也始君
之葬皆以其地不善又葬速其禮不備君夫人崔氏
有賢行能教其子而二子孝謹克自樹立卒能改葬
君如吉卜君其可謂有後矣自君卒後文僖公得罪
在此○通○福○福○醪○威○慨○
貶死漢東吏屬亦各引去今師魯死且十餘年王顧
者死亦六七年矣其送君而臨穴者及與君同府而
游者十蓋八九死矣其幸而在者不老則病且衰如

予是也。嗚呼。盛衰生死之際。未始不如是。是豈足道哉。惟爲善者能有後。而記於文字者。可以無窮。故于其改葬也。書以遺其子。俾碣於墓。且以寫予之思焉。吉甫。今爲大理寺丞。知緱氏縣。山甫。始以進士。賜出身云。

胡先生墓表

右先生墓
銘徂徠尊
東山而光
上中隱者

先生諱瑗。字冀之。姓胡氏。其上世爲陵州人。後爲奉州知臯人。先生爲人。師言行而身化之。使誠明者達。昏愚者勵。而頑傲者革。故其爲法嚴而信。爲道久而。吾師道廢久矣。自景祐明道以來。學者有師。惟先生。

其徒以
爲祖祿曾
之聖先生
曾之人所
尊故因其
所居止以
配其有德
之稱曰祖
祿先生者
曾人之志
也與此篇
並爲師道
生也

暨泰山孫明復石守道三人而先生之徒最盛其在
湖州之學弟子去來常數百人各以其經轉相傳授
其教學之法最備行之數年東南之士莫不以仁義
禮樂爲學慶曆四年天子開天章閣與大臣講天下
事始慨然詔州縣皆立學於是建太學於京師而有
司請下湖州取先生之法以爲太學法至今爲著令
後十餘年先生始來居太學學者自遠而至太學不
能容取旁官署以爲學舍禮部貢舉歲所得士先生
弟子十常居四五其高第者知名當時或取甲科居
顯仕其餘散在四方隨其人賢愚皆循循雅飭其言

談舉止不問可知爲先生弟子其學者相語稱先生
不問可知爲胡公也先生初以白衣見天子論學拜
秘書省校書郎辟丹州軍事推官改密州觀察推官
丁父憂去職服除爲保寧軍節度推官遂居湖學召
爲諸王宮教授以疾免已而以太子中舍致仕遷殿
中丞於家皇祐中驛召至京師議樂復以爲大理評
事兼太常寺主簿又以疾辭歲餘爲光祿寺丞國子
監直講廼居太學遷大理寺丞賜緋衣銀魚嘉祐元
年遷太子中允充天章閣侍講仍居太學已而病不
能朝天子數遣使者存問又以太常博士致仕東歸

之○日○太○學○之○諸○生○與○朝○廷○賢○士○大○夫○送○之○東○門○執○節○
子○禮○路○人○嗟○歎○以○爲○榮○以○四○年○六○月○六○日○卒○于○杭○州○
享○年○六○十○有○七○以○明○年○十○月○五○日○葬○于○烏○程○何○山○之○
原○其○世○次○官○邑○與○其○行○事○節○陽○蔡○君○墓○具○誌○於○幽○堂○
嗚○呼○先○生○之○德○在○乎○人○不○待○表○而○見○於○後○世○然○非○此○
無○以○慰○學○者○之○思○乃○揭○于○其○墓○之○原○六○年○八○月○三○日○
廬○陵○歐○陽○脩○述○

無以爲學。昔之以八律下其墓。大卒八月三日。
○和○主○之○所○有○人○不○書○表○而○具○於○外○皆○然○非○此
○思○其○如○大○官○也○與○其○卒○葬○則○墓○其○諸○於○幽○堂
卒卒六十。卒卒以庚午十月五日葬于島嶼。山之
干。蓋初人製。燬以爲榮。以四卒六月六日卒于旅。庚
○夕○日○太○學○文○諸○生○與○諸○生○士○大○大○致○之○東○門○外○

樂論

蘇洵

禮之始作也難而易行既行也易而難久天下未知

君之爲君父之爲父兄之爲兄而聖人爲之君父兄

天下未有以異其君父兄而聖人爲之拜起坐立天

下未肯靡然以從我拜起坐立而聖人承先之以耻

嗚呼其亦難矣天下惡夫死也久矣聖人招之曰來

吾生爾既而其法果可以生天下之人天下之人視

其嚮也如此之危而今也如此之安則宜何從故當

其時雖難而易行既行也天下之人視君父兄如頭

足之不待別白而後識視拜起坐立如寢食之不待

告語而後從事雖然百人從之一人不從則其勢不
得遽至于死天下之人不知其初之無禮而死而見
其今之無禮而不至于死也則曰聖人欺我故當其
時雖易而難久嗚呼聖人之所恃以勝天下之勞逸
者獨有死生之說耳死生之說不信於天下則勞逸
之說將出而勝之勞逸之說勝則聖人之權去矣酒
有鴆肉有葷然後人不敢飲食藥可以生死然後人
不以苦口爲諱去其鴆徹其葷則酒肉之權固勝于
藥聖人之始作禮也其亦逆知其勢之將必如此也
曰告人以誠而後人信之幸今之時吾之所以告人

者其理誠然而其事亦然故人以爲信吾知其理而
天下之人知其事事有不必然者則吾之理不足以
折天下之口此告語之所不及也告語之所不及必
有以陰驅而潛率之於是觀之天地之間得其至神
之機而竊之以爲樂雨吾見其所以濕萬物也日吾
見其所以燥萬物也風吾見其所以動萬物也隱隱
絃絃而謂之雷者彼何用也陰凝而不散物覺而不
遂雨之所不能濕日之所不能燥風之所不能動雷
一震焉而疑者散覺者遂曰雨者曰日者曰風者以
形用曰雷者以神用用莫神於聲故聖人因聲以爲

樂爲之君臣父子兄弟者禮也禮之所不及而樂及
焉正聲入乎耳而人皆有事君事父事兄之心則禮
者固吾心之所有也而聖人之說又何從而不信乎

詩論

人之嗜欲好之有甚于生而憤憾怨怒有不顧其死
於是禮之權又窮禮之法曰有色不可爲也爲人臣
爲人子爲人弟不可以有怨於其君父兄也使天下
之人皆不好色皆不怨其君父兄夫豈不善使人之
情皆泊然而亡思和易而優柔以從能於此則天下
固亦大治而人之情又不能皆然好色之心岐諸其

中是非不平之氣攻諸其外炎炎而生不顧利害
死而後已噫禮之權止於死生天下之事不至乎可
以博生者則人不敢觸死以遠吾法今也人道好色
與人之是非不平之心勃然而發於中以爲可以博
生也而先以死自處其身則死生之機固已去矣死
生之機去則禮爲無權區區舉無權之禮以強人之
所不能則亂益甚而禮益敗今吾告人曰必無好色
必無怨而君父兄彼得遂從吾言而忘其中心所自
有之情邪將不能也彼旣已不能純用吾法將遂大
棄而不顧吾法旣已大棄而不顧則人之好色與怨

其君父兄之心。將遂蕩然無所隔限。而易內竊妻之
變。與弑其君父兄之禍。必反公行於天下。聖人憂焉。
曰。禁人之好色。而至於淫。禁人之怨其君父兄。而至
於叛。患生於責人太詳。好色之不絕。而怨之不禁。則
彼將反。不。至。于。亂。故。聖。人。之。道。嚴。於。禮。而。通。於。詩。禮。
曰。必。無。好。色。必。無。怨。而。君。父。兄。詩。曰。好。色。而。無。至。于。
淫。怨。而。君。父。兄。而。無。至。於。叛。嚴。以。待。天。下。之。賢。人。通。
以。全。天。下。之。中。人。吾。觀。國。風。婉。孌。桑。媚。而。卒。守。以。正。
好。色。而。不。至。於。淫。者。也。小。雅。悲。傷。詬。讟。而。君。臣。之。情。
卒。不。忍。去。怨。而。不。至。于。叛。者。也。故。天。下。觀。之。曰。聖。人。

固許我以好色而不尤我之怨吾君父兄也許我以
好色不淫可也不尤我之怨吾君父兄則彼雖以虐
遇我我明譏而明怨之使天下明知之則吾之怨亦
得當焉不叛可也夫背聖人之法而自棄於淫叛之
地者非斷不能也斷之始生于不勝人不自勝其忿
然後忍棄其身故詩之教不使人之情至于不勝也
夫橋之所以爲安於舟者以有橋而言也水潦大至
橋必解而舟不至于必敗故舟者所以濟橋之所不
及也總結前禮之權窮於易達而有易焉窮於後世之不
信而有樂焉窮於彊人而有詩焉吁聖人之慮事也

蓋詳。

書論

本文有
得觀學之
氣者之
一人而已

風俗之變聖人爲之也聖人因風俗之變而用其權
聖人之權用於當世而風俗之變益甚以至于不可
復反幸而又有聖人焉承其後而維之則天下可以
復治不幸其後無聖人其變窮而無所復入則已矣
○入○題○酒○脫○
昔者吾嘗欲觀古之變而不可得也於詩見商與周
焉而不詳及今觀書然後見堯舜之時與三代之相
變如此之亟也自堯而至于商其變也皆得聖人而
承之故無憂至于周而天下之變窮矣忠之變而入

於質質之變而入於文其勢便也及夫文之變而又
欲反之於忠也是猶欲移江河而行之山也人之喜
文而惡質與忠也猶水之不肯避下而就高也彼其
始未嘗文焉故忠質而不辭今吾日食之以太牢而
欲使之復茹其菽哉嗚呼其後無聖人其變窮而無
所復入則已矣周之後而無王焉固也其始之制其
風俗也固不容爲其後者計也而又適不值乎聖人
固也後之無王者也當堯之時舉天下而授之舜舜
得堯之天下而又授之禹方堯之未授天下於舜也
天下未嘗聞有如此之事也度其當時之民莫不以

爲大怪也。然而舜與禹也，受而居之，安然若天下固
其所有，而其祖宗旣已爲之，累數十世者，未嘗與其
民迫其所以當得天下之故也。又未嘗悅之以利而
開之以丹朱商均之不肖也。其意以爲天下之民以
我爲當在此位也，則亦不俟乎援天以神之。譽已以
固之也。湯之伐桀也，囂囂然數其罪而以告人，如曰
彼有罪，我伐之，宜也。旣又愚天下之民，不巳悅也，則
又囂囂然以言，桑之曰：萬方有罪，在予一人。予一人
有罪，無以爾。萬方如曰：我如是而爲爾之君，爾可以
許我焉耳。吁，亦旣薄矣。至于武王而又自言其先祖

父儲有顯功既已受命而死其大業不克終今我奉
承其志舉兵而東伐而東國之士女束帛以迎我紂
之兵倒戈以納我吁又甚矣如曰吾家之當爲天子
久矣如此乎民之欲我速入商也伊尹証之在商也如
周公之在周也伊尹攝位三年而無一言以自解周
公爲之紛紛乎急於自疏其非篡也夫國由風俗之
變而不用其權權用而風俗成吾安坐而鎮之夫孰
知風俗之變而不復反也

史論

史何爲而作也其有憂也何憂乎憂小人也何由知

史論下曰
今夫綉繪
錦綴衣服
之奇美者
也八寸而
割之錯而
以爲
之者遷
之者無乃
知是乎

之以其名知之楚之史曰擣扚擣扚四凶之一也君子不待褒而勸不待貶而懲然則史之所懲勸者獨小人耳仲尼之志大故其憂愈大憂愈大故其作愈大是以因史修經卒之論其效者必曰亂臣賊子懼由是知史與經皆憂小人而作其義一也其義一其體二故曰史焉曰經焉大凡文之用四事以實之辭以章之道以通之法以檢之此經史所兼而有之者也雖然經以道法勝史以事辭勝經不得史無以證其褒貶史不得經無以酌其輕重經非一代之實錄史非萬世之常法體不相沿而用實相資焉夫易禮

樂詩書言聖人之道與法詳矣。然弗驗之行事。仲尼思後世以是爲聖人之私言。故因赴告策書以修春秋。旌善而懲惡。此經之道也。猶懼後世以爲已之臆斷。故本周禮以爲凡此經之法也。至於事則舉其畧。辭則務於簡。吾故曰經以道法勝。史則不然。事旣曲詳。辭亦夸耀。所謂褒貶論贊之外。亡幾。吾故曰史以事辭勝。使後人不知史而觀經。則所褒莫先其善狀。所貶弗聞其惡實。吾故曰經不得史亡以證其褒貶。使後人不通經而專史。則稱讚不知所法。懲勸不知所沮。吾故曰史不得經亡以酌其輕重。經或從僞。赴

而書或隱諱而不書若此者衆皆適於教而已吾故
曰經非一代之實錄史之一紀一世家一傳其間美
惡得失固不可以一二數則其論贊數十百言之中
安能事爲之褒貶使天下之人動有所法如春秋哉
吾故曰史非萬世之常法夫規矩準繩所以制器器
所待而正者也然而不得器則規亡所效其圓矩亡
所用其方準亡所施其平繩亡所措其直史待經而
正不得史而經晦吾故曰體不相沿而用實相資焉
○餘○疲○作○掉○屋○
噫一規一矩一準一繩足以制萬器後之人其務希
遷固實錄可也慎亡若王通陸長源輩器器然冗且

僭則善矣。

辨奸論

事有必至理有固然惟天下之靜者乃能見微而知
著月暈而風礎潤而雨人人知之人事之推移理勢
之相因其疎闊而難知變化而不可測者孰與天地
陰陽之事而賢者有不知其故何也好惡亂其中而
利害奪其外也昔者山巨源見王衍曰誤天下蒼生
者必此人也郭汾陽見盧杞曰此人得志吾子孫無
遺類矣自今而言之其理固有可見者以吾觀之王
衍之爲人容貌言語固有以欺世而盜名者然不忤

不求與物浮沉使晉無惠帝僅得中主雖行百千何
從而亂天下乎盧杞之奸固足以敗國然而不學亡
文容貌不足以動人言語不足以眩世非德宗之鄙
暗亦何從而用之由是言之二公之料二子亦容有
未必然也今有人口誦孔老之言身履夷齊之行收
召好名之士不得志之人相與造作言語私立名字
以爲顏淵孟軻復出而陰賊險狠與人異趣是王衍
盧杞合而爲一人也其禍豈可勝言哉夫面垢不忌
洗衣垢不忌澣此人之至情也今也不然衣巨盧之
衣食犬彘之食囚首喪面而談詩書此豈其情也哉

凡事之不近人情者鮮不為大姦招聞。隱豎刁易牙開方上之畧、振、調、此、就、清、本、人、何、寺、起、伏。是也。以蓋世之名而濟其未形之患。雖有願治之主。好賢之相。猶將舉而用之。則其為天下患。必然而無疑者。非特二子之比也。孫子曰。善用兵者。無赫赫之功。使斯人而不用也。則吾言為過。而斯人有不遇之歎。孰知禍之至于此哉。不然。天下將被其禍。而吾獲知言之名。悲夫。

宋人文不
如公抑或
誠不如公

茅鹿門曰。荆川嘗讀韓非子八奸篇。謂是一面照妖鏡。予于老泉此論亦云。

張文定公撰老蘇先生墓表云。嘉祐初。王安石名

始盛黨友傾一肯其命相制曰生民以來數人而
已造作語言至以爲幾于聖人歐陽修亦善之勸
先生與之游而安石亦願交于先生先生曰吾知
其人矣是不近人情者鮮不爲天下患安石之母
死士大夫皆弔先生獨不遑作辨奸一篇

上韓樞密書

太尉執事洵著書無它長及言兵事論古今形勢至
自比賈誼所獻權書雖古人已遑成敗之迹苟深曉
其義施之于今無所不可昨因請見求進未議太尉
許諾謹撰其說言語朴直非有驚世絕俗之談甚高

難行之論太尉取其大綱而無責其纖悉蓋古者非

一篇之大意

用兵決勝之爲難而養兵不用之可畏今夫水激之

看它用字

山放之海決之爲溝塍壅之爲沼沚是天下之人能

之委江河注淮泗滙爲洪波瀦爲太湖萬世而不溢

者自禹之後未之見也夫兵者聚天下不義之徒授

之以不仁之器而教之以殺人之事夫惟天下之未

用兵決勝之時

安盜賊之未珍然後有以施其不義之心用其不仁

之器而試其殺人之事當是之時勇者無餘力智者

似、韓、非、商、鞅

無餘謀巧者無餘技故其不義之心變而爲忠不仁

之餘

之器加之於不仁而殺人之事施之於當殺及夫天

養兵不用之時

下既平盜賊既珍不義之徒聚而不散勇者有餘力
則思以爲亂智者有餘謀則思以爲奸巧者有餘技
則思以爲詐於是天下之患雜然出矣蓋虎豹終日
而不殺則跳跟大叫以發其怒蝮蝎終日而不螫則
噬齧艸木以致其毒其理固然也足怪者昔者劉項
奮臂於艸莽之間秦楚亡賴子弟千百爲輩爭起而
應不可勝數轉鬪五六年天下厭兵項籍歿而高
祖亦已老矣方是豈分王諸將收定律令與天下休
息而韓信黥布之徒相繼而起者七國高祖歿于介
冑之間而莫能止也連延及于呂氏之禍訖孝文而

後定是何起之易而收之難也劉項之勢初若決河

順流而下誠有可喜及其崩潰四出放乎數百里之

間拱手而莫能救也烏乎不有聖人何以善其後太

千里之河一拳砥柱然後歸過全人接入宋事騎龍手

祖太宗躬擐甲胄跋涉險阻以斬刈四方之蓬蒿用

也

兵數十年謀臣猛將滿天下一旦卷甲而休之傳四

世而天下無變此何術也荆楚九江之地不分于諸

結定了便轉入今

將而韓信黥布之徒無以啓其心也雖然天下無變

事

而兵久不用則其不義之心蓄而無所發飽食優游

求逞于良民觀其平居無事出怨言以邀其上一日

有急是非人得千金不可使也往年詔天下繕完城

西川之事

老蘇任

干蜀

卒之

驛故

馬此

論

實親見凡郡縣之富民舉而籍其名

得錢數百萬以為酒食饋餉之費杵聲未絕城輒隨

時事

一

如手拈

壞如此者數年而後定卒事官吏相賀卒徒相矜若

戰勝凱旋而待賞者比來京師遊阡陌間其曹逞逞

偶語亡所忌諱聞之士人方春時尤不忍聞蓋時五

六月矣會京師憂大水鋤耰畚築列于兩河之壩縣

官日費千萬傳呼勞問之聲不絕者數十里猶且聃

當時

士

卒之

隋如此

聃狼顧莫肯效用且夫內之如京師之所聞外之如

西川之所親見天下之勢今何如也御將者天子之

事也御兵者將之職也天子者養尊而處優樹恩而

收名與天下爲喜樂者也故其道不可以御兵人臣
執法而不求情盡心而不求名出死力以裨社稷使
天下之心繫於一人而已不與焉故御兵者人臣之
事不可以累天子也今之所慮大臣好名而思謗好

名則多樹私恩思謗則執法不堅是以天下之兵豪

說韓魏公則必駭而無當

縱至此而莫之或制也頃者狄公在樞府號爲寬厚

愛人狎昵士卒得其歡心而太尉適承其後彼狄公
者知御外之術而不知治內之道此邊將材也古者
兵在外愛將軍而忘天子在內愛天子而忘將軍愛
將軍所以戰愛天子所以守狄公以其御外之心而

又○以○戰○守○二○字○續○之○大○字○才○不○周

施諸其內太尉不反其道而何以爲治或者以爲兵
久驕不治一旦繩以法恐因以生亂昔者郭子儀去

河南李光弼實代之將至之日張用濟斬於轅門三

此意可以行之於專闢臨去之職而不可行之

軍股慄夫以臨淮之悍而代汾陽之長者三軍之士

於○樞○筦○執○國○之○日○

竦然如赤子之脫慈母之懷而立於嚴師之側何亂

就綴上譬喻立論

之敢生且夫天子者天下之父母也將相者天下之

師也師雖嚴赤子不敢以怨其父母將相雖厲天下

不敢以咎其君其勢然也天子者可以生人可以殺

以嚴濟寬於當時尤中宜泰

人故天下望其生及其殺之也天下曰是天子殺之

天子不可以多殺人臣奉天子之法雖多殺天下

此論從韓非孫武等書來

無所歸怨此先王所以威懷天下之術也。伏惟太尉
思天下所以長久之道而無幸一抱一時之名盡至公之
心而無卹三軍之多言。夫天子惟深仁以結其心太
尉厲威武以振其情。彼其思天子之深仁則思而不
至于怨。思太尉之威武則愛而不至於驕。君臣之體
順而長愛之道立。非太尉吾誰望邪。

以而與之立非太極乎精望祇

至。至。易。太。極。之。氣。所。順。受。而。不。全。欲。測。辰。引。之。歸。

松。風。如。狂。風。其。帝。歟。其。思。天。子。之。躬。才。順。思。而。不。

心。而。無。神。三。軍。之。變。言。夫。天。子。雖。弱。才。以。辭。其。如。太。

以。天。下。而。則。其。六。之。數。而。無。幸。一。部。之。卒。盡。至。公。之。

論。而。制。其。表。王。而。以。其。制。天。下。之。道。也。其。制。大。下。

鳧繹先生詩集

宋 蘇 軾

文章之宗
畢竟老
恐棄破亦
必心折

孔子曰吾猶及史闕文也有馬者借人乘之今亡矣
夫史之不闕文與馬之不借人也豈有損益於世也
哉然且識之以爲世之君子長者口以遠矣後生不
復見其流風遺俗是以日趨於智巧便佞而莫之止
是二者雖不足以損益而君子長者之澤在焉則孔
子識之而况其足以損益於世者乎昔吾先君適京
師與卿士大夫遊歸以語軾曰自今以往文章其日
工而道將散矣士慕遠而忽近貴華而賤實吾已見
其兆矣以魯人鳧繹先生之詩文十餘篇示軾曰小

子識之後數十年天下無復爲斯文者也先生之詩
文皆有爲而作精悍確苦言必中當世之過鑿鑿乎
如五穀必可以療饑斷斷乎如藥石必可以伐病其
遊談以爲高枝詞以爲觀美者先生無一言焉其後
二十餘年先君旣沒而其言存士之爲文者莫不超
然出於形器之表微言高論旣已鄙陋漢唐而其反

人亦是蘇家派

復論難正言不諱如先生之文者世莫之貴矣軾是
以悲於孔子之言而懷先君之遺訓益求先生之文
而得之於其子復乃錄而藏之先生諱太初字望之
姓顏氏先師克公之四十七世孫云

以通經
古為高
歐陽子
也

送人序

士之不能自成其患在於俗學。俗學之患。枉人之材。
窒人之耳目。誦其師傳造字之語。從俗之文。才數萬
言。其為士之業盡此矣。夫學以明禮文以述志。思以
通其學。氣以達其文。古之人。道其聰明。廣其聞見。所
以學也。正志完氣。所以言也。王氏之學。正如脫槩。案
其形模而出之。不待修飾而成器耳。求為桓壁彝器。
其可乎。

送張道士序

古者贈人以言。彼雖不吾乞。猶將發藥也。蓋未有不

公曰夫克
者剛者之
長也能默
默乎

人生營最

正竟爲何

人也

吾乞而亦有待發藥者以吾友之賢茲又奚乞雖然
我反乞之曰與吾友心肺之識幾三年矣非同頃暫
也今乃別去遂默默而已矣抑不足教乎豈無事於
教乎將周旋終始籠絡蓋遮有所惜乎嗟僕之才陋
甚也而吾友每過愛豈信然乎止於此可乎抑容有
未至當勉乎自念明於處已暗於接物其不可至死
以不喜故譏罵隨之抑足恤乎將從從然與之合乎
身且老矣家且窮矣與物日忤而取途且遠矣將明
滅如草上之螢乎浮沉如水中之魚乎陶者能圓而
不能方矢者能直而不能曲將爲陶乎將爲矢乎山

富貴
文章
戲浪

有。蕨。蕨。可。羨。也。野。有。麋。鹿。可。脯。也。一。絲。可。衣。也。一。瓦。
可。居。也。詩。書。可。樂。也。父。子。兄。弟。妻。孥。可。游。衍。也。將。謝。
世。路。而。適。吾。所。自。適。乎。抑。富。貴。聲。名。以。偷。夢。幻。之。快。
乎。行。乎。止。乎。遲。乎。速。乎。吾。友。其。可。教。也。默。默。而。已。非。
所。以。望。吾。友。也。

文與可畫篋簞谷偃竹記

竹之始生一寸之萌耳而節葉具焉自蜩腹蛇蚶以
至于劍拔十尋者生而有之也今畫者乃節節而爲
之葉葉而累之豈復有竹乎故畫竹必先得成竹于
胸中執筆熟視乃見其所欲畫者急起從之振筆直

達以追其所見如兔起鶻落少縱則逝矣與可之教
予如此予不能然也而心識其所以然夫旣心識其
所以然而不能然者內外不一心手不相應不學之
過也故凡有見於中而操之不熟者乎居自視弓然
而臨事忽焉喪之豈獨竹乎子由爲墨行賦以遺與
可曰庖丁解牛者也而養生者取之輪扁斲輪者也
而讀書者與之今夫夫子之託於斯竹也而以子爲
有道者則非也子由未嘗畫也故得其意而已若予
者豈獨得其意并得其法與可畫竹初不自貴重四
方之人持練素而請者足相躡於其門與可厭之投

然生鱗
亂我鬚
石散爲
東坡頃
勿復在茲

諸地而罵曰吾將以爲韞士大夫傳之以爲口實及
與可自洋州還而余爲徐州與可以書遺余曰近語
士大夫吾墨竹一派近在彭城可往求之韞林當萃
於子矣書尾復寫一詩其畧曰擬將一段驚谿絹掃
取寒稍萬尺長予謂與可竹長萬尺當用絹二百五
十匹知公倦於以研願得此絹而已與可無以荅則
曰吾言妄矣世豈有萬尺竹哉余因而實之荅其詩
曰世間亦有千尋竹月落庭空影許長與可笑曰蘇
子辯則辯矣然二百五十匹吾將買田而歸老焉因
以所畫篋簾谷偃竹遺余曰此竹數尺耳而有萬尺

之勢。篋。簞。谷。在。洋。州。與。可。嘗。令。予。作。洋。州。三。十。詠。篋。簞。谷。其。一。也。予。詩。云。漢。川。修。竹。賤。如。蓬。斤。斧。何。曾。赦。籜。龍。料。得。清。貧。饒。太。守。渭。濱。千。畝。在。胸。中。與。可。是。日。與。其。妻。游。谷。中。燒。筍。晚。食。發。函。得。詩。失。笑。噴。飯。滿。案。元。豐。二。年。正。月。二。十。日。與。可。歿。于。陳。州。是。歲。七。月。七。日。予。在。湖。州。曝。書。畫。見。此。竹。廢。卷。而。哭。失。聲。昔。曹。孟。德。祭。橋。公。文。有。車。過。腹。痛。之。語。而。予。亦。載。與。可。嗜。昔。戲。笑。之。言。者。以。見。與。可。於。予。親。厚。無。間。如。此。也。

子姑神記

元豐三年正月朔日予始去京師來黃州二月朔至

通志求誌
一傳

一番交
便多一

文字

郡至之明年進士潘丙謂予曰異哉公之始受命黃
人未知也有神降于州之僑人郭氏之第與人言如
響且善賦詩曰蘇公將至而吾不及見也已而公以
是日至而神以是日去其明年正月丙又曰神復降
于郭氏予往觀之則衣草木爲婦人而直筋手中二
小童子扶焉以筋畫字曰妾壽陽人也姓何氏名媚
字麗卿自幼知讀書屬文爲伶人婦唐垂拱中壽陽
刺史害妾夫納妾爲侍妾而其妻妬悍甚見殺于廁
妾雖死不敢訴也而天使見之爲直其冤且使有所
識於人間蓋世所謂子姑神者其類甚衆然未有如

伊川見之
又當何如
日公

妾之卓然者也。公少留而爲賦詩且舞以娛公。詩數
十篇。敏捷立成。皆有妙思。雜以嘲笑。問神仙鬼佛變
化之理。其荅皆出於人意外。坐客撫掌作道調。梁州
神起舞。中節曲終。再拜以請曰。公文名於天下。何惜
方寸之紙。不使世人知有妾乎。予觀何氏之生。見掠
於酷吏。而遇害於悍妻。其怨深矣。而終不肯言。刺史
之姓名。似有禮者。客至逆。知其生平。而終不言。人之
陰私。與休咎。可謂知矣。又知好文字。而耻無聞於世
。皆可賢者。粗爲之錄。荅其意焉。

人舉司馬
光以自證
寧百見議
於小人無
一得罪于
君子。公
自辨書亦
未見如此
若力大都
當時人材
議論可知

臣近舉宗正寺丞王鞏充節操方正可備獻納升
聞臺諫官言鞏奸邪及離間宗室因諂事臣以獲薦
舉奉聖旨除鞏西京通判謹按鞏好學有文強力敢
言不畏強禦此其所長也年壯氣盛銳於進取好論
人物多致怨憎此其所短也頃者竄逐萬里偶獲生
還而容貌如故志氣逾厲此亦有過人者故相司馬
光深知之待以國士與之往返論議不一臣以為所
短不足以廢所長故為國收才以備選用去歲以來
吏民上書蓋數千人朝廷委司馬光看詳擇其可用
者得十五人又於十五人中獨稱獎二人孔宗翰與

不問之

加添一趙
彦若文字
錯落可喜

鞏是也鞏緣此得減三年磨勘仍擢爲宗正寺丞則
臣之稱薦舉光之擢用其事正同若果是姦邪臺諫
當此時何不論奏鞏上疏論宗室之疏遠者不當稱
皇叔皇伯雖未必中理然不過欲尊君抑臣務合古
禮而已何名爲離間哉况鞏此議執政多以爲非獨
司馬光深然之故下禮部詳議又兵部侍郎趙彥若
亦曾建言若果是離間光亦離間也彥若亦離間也
方行下有司時臺諫初無一言及光沒之後乃有姦
邪離間之說則是鞏之邪正係光之存亡非公論也
鞏與臣世舊幼小相知從臣爲學何名誦事三者之

論了無一實上賴聖明不以此罪輩亦不以此責臣
止除外官以厭塞言者之意臣復何所辨論但痛司
馬光死未數月而所賢之士變爲姦邪又傷言者本
欲中臣而累及輦誣罔之漸懼者甚衆是以冒昧一
言伏深戰越取進止

杭州召還乞郡狀

竊慮區區之誠未能遽回天意須至盡露本心重千
聖聽臣昔於治平中自鳳翔職官得替入朝首被英
宗皇帝知遇欲驟用臣當時宰相韓琦以臣年少資
淺未經試用故且與館職亦會臣丁父憂去官及服

聞入覲便蒙神宗皇帝召對面賜獎激許臣職外言

愛國

福端

事○日○惟○羈○旅○之○臣○未○應○得○此○豈○非○以○英○宗○皇○帝○知○臣○

有○素○故○耶○是○時○王○安○石○新○得○政○變○易○法○度○臣○若○少○加○

附○會○進○用○可○必○自○惟○遠○人○蒙○二○帝○非○常○之○知○不○忍○欺○

天○負○心○欲○具○論○安○石○所○爲○不○可○施○行○狀○以○禪○萬○一○然○

未○測○聖○意○待○臣○深○淺○因○上○元○有○旨○買○燈○四○千○椀○有○司○

無○狀○虧○減○市○價○臣○卽○上○書○論○奏○先○帝○大○喜○卽○時○施○行○

臣○以○此○卜○知○先○帝○聖○明○能○受○盡○言○上○疏○六○千○餘○言○極○

有此

論○新○法○不○便○後○復○因○考○試○進○士○擬○對○御○試○策○進○上○并○

言○安○石○不○知○人○不○可○大○用○先○帝○雖○未○聽○從○然○亦○嘉○臣○

以多爲貴何亦

愚直初不譴問而安石大怒其黨無不切齒爭欲傾
臣御史知雜謝景溫首出死力彈奏臣丁憂歸鄉日
舟中曾販私鹽遂下諸路體量追捕當時稍工篙手
等考掠取證但以實無其事故鍛鍊不成而止臣緣
此懼禍乞出連三任外補而先帝眷臣不衰時因賀
謝表章卽對左右稱道黨人疑臣復用而李定何正
臣舒亶三人構造飛語醞釀百端必欲致臣於死先
帝初亦不聽而此三人執奏不已故臣得罪下獄定
等選差悍吏皇遵將帶吏卒就湖州追攝如捕寇賊
臣卽與妻子訣別留書與弟輒處置後事自期必死

自愛

○禍○端○

○黜○亦○感○君○

遇揚子江便欲自投江中而吏卒監守不果到獄卽

獄亦感君

欲不食求死而先帝遣使就獄有所約敕故獄吏不

敢別加非橫臣亦覺知先帝無意殺臣故復留殘喘

禍端

得至今日及竄責黃州每有表疏先帝復對左右稱

道哀憐獎激意欲復用而左右固爭以爲不可臣雖

在遠亦具聞之古人有言聚蚊成雷積羽沉舟言寡

不勝衆也以先帝知臣特達如此而臣終不免於患

難者以左右疾臣者衆也及陛下卽位起臣於貶所

不及一年備位禁林遭遇之異古今無比臣每自惟

昆蟲草木之微無以仰報天地生成之德惟有獨立

不倚知無不言可以少報萬一始論衙前差顧利害

與孫永傳堯俞韓維爭議因亦與司馬光異論光初

不以此怒臣而臺諫諸人逆探光意遂與臣為仇臣

誤處

又素疾程頤之姦未嘗假以色詞故頤之黨人無不

側目自朝廷廢黜大姦數人而其餘黨猶在要近陰

為之地特未敢發爾小臣周種乃敢上疏乞用王安

石配享以嘗試朝廷臣竊料種草芥之微敢建此議

休世
非修

必有陰主其事者是以上書逆折其姦鋒乞重賜行

遣以破小人之謀因此黨人尤加忿疾其後又於經

廷及論黃河不可回奪利害且上疏爭之遂大失執

政意積此數事恐別致患禍又緣臂痛目昏所以累

督

草力求補外竊伏思念自忝禁近三年之間臺諫言

臣者數四只因發策草麻羅織語言以爲謗訕本無

○不○見○不○聞○亦○君○思

疑似白加誣執其間曖昧譖愬陛下察其無實而不

降出者又不知其幾何矣若非二聖仁明洞照肝膈

則臣爲黨人所傾首領不保豈敢望如先帝之赦臣

乎自出知杭州二年粗免人言中間法外刺配顏章

顏益二人蓋攻積弊事不獲已陛下亦已赦臣而言

者不赦論奏不已其意豈爲顏章等哉以此知黨人

之意未嘗一日不在傾臣洗垢求瑕止得此事今者

言者不救

言者不救

言者不救

忽蒙聖恩召還擢用又除臣弟轍爲執政此二事皆
非大臣本意竊計黨人必大猜心磨厲以須勢必如
此聞命悸恐以福爲災卽日上章辭免乞郡行至中
路果聞弟轍爲臺諫所攻般出扉宇待罪又蒙陛下
委曲照見情狀方獲保全臣之剛褊衆所共知黨人
嫌忌甚於弟轍豈敢以衰病之餘復犯其鋒雖自知
無罪可言而今之言者豈問是非曲直竊謂人主之
待臣子不過公道以相知黨人之報怨嫌必爲巧發
而陰中臣豈敢恃二聖公道之知而傲黨人陰中之
禍所以不避煩瀆自陳入仕以來進退本末欲陛下

知臣危言危行獨立不回以犯衆怒者所從來遠矣
又知陛下知臣平生冒涉患難危嶮如此今餘年無
幾不免有遠禍全身之意再三辭遜實非驕飾柳下
惠有言直道而事人焉往而不三黜臣若貪得患失
隨世俛仰改其常度則陛下亦安所用臣若守其初
心始終不變則群小側目必無安理雖蒙二聖深知
亦恐終不勝衆所以反覆計慮莫若求去非不懷戀
天地父母之恩而衰老之餘耻復與群小計較短長
曲直爲世間高人長者所笑伏望聖慈察臣至誠特
賜指擲執政檢會累奏只作親嫌回避早除一郡所

有今來奏狀乞留中不出以保全臣子臣不勝大願
若朝廷不以臣不才猶欲驅使或除一重難邊郡臣
不敢辭避報國之心死而後已惟不願在禁近使黨
人猜疑別加陰中也干犯天威謹俟斧鉞臣不任祈
天請命戰恐隕越之至謹錄奏聞伏候勅旨

進單鍰吳中水利書狀

臣竊聞議者多謂吳中本江海太湖故地魚龍之宅
而居民與水爭尺寸以故常被水患蓋理之當然不
可復以人力疏治是殆不然臣到吳中二年雖爲多
雨亦未至過甚而蘇湖常三州皆大水害稼至十七

河狀潮月
 海門東來
 所山時江
 與源浦諸
 山相連錯
 入以既潮
 水往於
 湖澤中湧
 出陵早十
 數里旦夕
 又失老弱
 叫號于湍
 漲之間故
 未及終已
 為潮水捲
 去

八今年雖為淫雨過常三州之水遂合為一太湖松
 江與海渺然無辨者蓋因二年不退之水非今年積
 雨所能獨致也父老皆言此患所從來未遠不過四
 五十年耳而近歲特甚蓋人事不修之積非特天時
 之罪也三吳之水潴為太湖太湖之水溢為松江以
 入海海水日兩潮潮濁而江清潮水常欲淤塞江路
 而江水清駛隨轍滌去海口常通故吳中少水患昔
 蘇州以東官私船舫皆以篙行無陸挽者古人非不
 知為挽路以松江入海太湖之咽喉不敢鯁塞故也
 自慶曆以來松江如大築挽路建畏橋植干桂水中

宜不甚礙。而夏秋漲水之時。橋上水常高尺餘。十里積石壅土。築爲挽路乎。自長橋挽路之成。公漕運便之。日葺不已。而松江始艱噎不快。江水不快。軟緩而無力。則海之泥沙隨潮而上。日積不已。故海口湮滅。而吳中多水患。近日議者。但欲發明浚治海口。而不知江水艱噎。雖暫通快。不過歲餘。泥沙復積。水患如故。今欲治其本。長橋挽路固不可去。惟有鑿挽路於舊橋外。別爲千橋。橋拱各二丈。千橋之積。爲二千丈水道。松江宜加迅駛。然後官私出力以浚海。海口既浚。而江水有力。則泥沙不復積。水患可以

河狀潮日
 海門東來
 胥山時江
 廣源浦諸
 山相望錯
 入以亂潮
 水往往於
 湖澤中湧
 由陸早十
 數里旦夕
 又失老弱
 叫號于湍
 漲之間故
 未及終已
 為潮水捲
 去

八今年雖為淫雨過常三州之水遂合為一太湖松
 江與海渺然無辨者蓋因二年不退之水非今年積
 雨所能獨致也。父老皆言此患所從來未遠不過四
 五十年耳。而近歲特甚蓋人事不修之積非特天時
 之罪也。三吳之水潴為太湖太湖之水溢為松江以
 入海海水日兩潮潮濁而江清潮水常欲淤塞江路
 而江水清駛隨轍滌去海口常通故吳中少水患昔
 蘓州以東官私船舶皆以篙行無陸挽者古人非不
 知為挽路以松江入海太湖之咽喉不敢頓足
 自慶曆以來松江如大築挽路

宜不甚礙。而夏秋漲水之時。橋上水常高尺餘。十里積石壅土。築爲挽路乎。自長橋挽路之成。公漕運便之。日葺不已。而松江始艱噎不快。江水不快。軟緩而無力。則海之泥沙隨潮而上。日積不已。故海口湮滅。而吳中多水患。近日議者。但欲發明浚治海口。而不知江水艱噎。雖暫通快。不過歲餘。泥沙復積。水患如故。今欲治其本。長橋挽路固不可去。惟有鑿挽路於舊橋外。別爲千橋。橋拱各二丈。千橋之積。爲二千丈水道。松江宜加迅駛。然後官私出力以浚海。海口既浚。而江水有力。則泥沙不復積。水患可以

言
臣之所聞大畧如此而未得其詳舊聞常州宜興縣進士畢鏐有水學故召問之出所著吳中水利書一卷且口陳其曲折則臣言止得十二三年臣與知水者考論其書疑可施用謹繕寫一本繳進上伏望聖慈深念兩浙之富國用所恃歲漕都下米百五十萬石其他財賦供餽不可悉數而十年九漕公私凋弊深可愍惜乞下臣言與鏐書委本路監司躬親按行或差強幹知水官吏考實其言圖上利害臣不勝區區謹錄奏聞伏候勅旨

辭免撰趙瞻神道碑狀

吾所敬坡
公此第一
節公文字
寧施與窮
和尙不肯
濫典貴

奏准勅差撰故中散大夫同知樞密院趙瞻神道碑
并書者右臣平生不爲人撰行狀埋銘墓碑士大夫
所共知近日撰司馬光行狀蓋爲光曾爲亡母程氏
撰埋銘又爲范鎮撰墓誌蓋爲鎮與先臣洵平生交
契至深不可不撰及奉詔撰司馬光富弼等墓碑不
敢固辭然終非本意况臣危病廢學文辭鄙陋不稱
人子所以欲顯揚其親之意伏望聖慈別擇能者特
許辭免

乞增修弓箭社條約狀

寶元慶曆中趙元昊反屯兵四十餘萬招刺宣議保

此法通行
各邊何至
倉卒召募

捷二十五萬人皆不得其用卒無成功范仲淹劉扈
种世衡等專務整緝蕃漢熟戶弓箭手所以封殖其
家砥礪其人者非一道藩籬既成賊來無所得故元
昊復臣今河朔西路備邊州軍自澶淵講和以來百
姓自相團結爲弓箭社不論家業高下戶出一人又
自相推擇家資武藝衆所服者爲社頭社副錄事謂
之頭目帶弓而鋤佩劍而樵出入山坂飲食長技與
比虜同私立賞罰嚴於官府分番巡邏溝戶相望若
透漏北賊及本土強盜不獲其當番人皆有重罰過
有緊急擊鼓集衆頃刻可致千人帶甲鞍馬常若寇

至蓋親戚墳墓所在人自爲戰虜甚畏之先朝名臣
帥定州者如韓琦龐籍皆加意相循其人以爲爪牙
耳目之用而籍又增損其約束賞罰見今州縣委實
全籍此等寅夜防托顯見弓箭社實爲邊防要用其
勢決不可廢但以兼克保甲之故召集追呼勞費失
業今雖名目具有責其實用不逮往日臣竊謂陝西
河東弓箭手官給良田以備甲馬今河朔沿邊弓箭
社皆是人戶祖業田產官無絲毫之給而捐軀捍邊
器甲鞍馬與陝西河東無異苦樂相遼未盡其用近
日霸州文安縣及真定府北寨皆有此賊驚劫人戶

捕盜官吏拱手相視無如之何以驗禁軍弓手皆不
得、力、向、使、州、縣、逐、處、皆、有、弓、箭、社、人、戶、致、命、盡、力、則、
北、賊、豈、敢、輕、犯、邊、寨、如、入、無、人、之、境、

杭州謝上表

入奉榮嚴出膺方面皆人臣之殊選在儒者以尤榮
臣軾誠惶誠恐頓首頓首伏念臣受寵逾涯積憂成
疾既思退就於安養又欲少逃於滿盈仰荷至仁曲
從微願江山故國所至如歸父老遺民與臣相問知
朝廷輟近侍爲太守蓋聖主視天下如一家輟朴未
給太平氣

歐陽公極

稿蘇氏四

六此篇尤

給太平氣

施爭訟幾絕臣之厚幸豈易名言此蓋伏遇太皇太

姿至詩與楚詞則求之於世可與傳比者不過數人
此固不待軾言公自知之然傳嘗望公不爲力致一
官軾私心以爲公非有所愛也知傳所稟付至薄不
仕官耳今年正月軾過岐下而傳居喪二曲使人問
訊其家而傳徑至長安見軾於傳舍道其飢寒窮苦
之狀以爲幾死者數矣賴公而存又且薦我於朝吾
平生無妻近有彭駕部者聞公薦我許嫁我其妹若
免喪得一官又且有妻不虛作一世人皆公之賜軾
旣爲傳喜且私憂之此二事生人之常理而在傳則
爲非常之福恐不能就今傳果死悲夫書生之窮薄

至於如此其極耶。夫傳之才器固不通於世。月然譬

○民○是○不○通○曉○世○事○目○珠○玉○也○

之象犀珠玉雖無補於飢寒要不可使在塗泥中。

公所以終薦傳也。今父子暴骨僧寺中孀母弱弟自

謀口腹不暇決不能葬。軾與之故舊在京師者數人

相與出錢賻其家而氣力微薄不能有所濟。甚可憫

悲○過○又○生○災○

笑公若猶憐之不敢望其他度可以葬傳者足矣。陳

繹學士當往涇州而宋廸度支在岐下公若有以賜

之軾且歛衆人之賻并以予陳而致之宋使葬之有

餘以予其家傳平生所爲文當使人就其家取之若

獲當獻諸公于冑左右無任戰越

后陛下天地之仁賢愚兼取日月之照邪正
包函其蠢迂欲保全其終始兄弟孤立親奉於
音。苑生不移更誓名於晚節。

杭州上執政啟湖山如舊魚鳥亦怪其哀殘爭訟
稍稀吏民習知其頑鈍

謝兼侍讀表

謝三伏表
星火見而
金微自方
可畏朝氣
沈而晝嗜
心積少休
路不可
不知賀歐

伏念臣志大而才短論迂而性剛以自用不回之心
處衆人必爭之地不早退縮安能保全是以三年翰
墨之林屢遭飛語再歲江湖之上粗免煩言豈此身
愚智之殊蓋所居閑劇之致臣之自處何者爲宜而

賜致仕欵
等外為天
下耆老成
之去而私
言明哲得
保身之全
可証也

况講讀之司帷幄最近分章摘句則何以報非常之
知因事獻言又必貽前日之患雖仰恃天日之照實
常負冰淵之虞恭惟皇帝陛下大德庇民小心順帝
雖天覆地載以聖不可知為神而日就月將以學而
不厭為智曲收舊物以廣多聞臣敢不職思其憂本
無分於中外欲報之德誓不易於死生

上韓魏公乞葬董傳書

軾再拜近得秦中故人書報進士董傳三月中病死
軾往歲官岐下始識傳至今七八年知之熟矣其為
人不通曉世事然酷嗜讀書其文章蔚然有出塵之

愛人以德
非其有之

黃州上文潞公書

軾始就逮赴獄有一子稍長徒步相隨其餘守舍皆
婦女幼稚至宿州御史符下就家取文書州郡望風
遣吏發卒圍船搜取老幼幾怖死既去婦女悲罵曰
是好著書書成何所得而怖我如此悉取燒之比事
定重復尋理十亡其七八矣到黃州無所用心輒復
覃思于易論語端居淡念若有所得遂因先子之學
作易傳九卷又自以意作論語說五卷窮苦多難壽
命不可期恐此書一旦復淪沒不傳意欲寫數本留
間念新以文字得罪人必以爲凶衰不祥之書莫

官收藏又自非一代偉人不足託以必傳者莫若獻
之明公而易傳文多未有力裝寫獨致論語說五卷
公退閒暇一爲讀之就使無取亦足見其窮不忘道
老而能學也。軾在徐州時見諸郡盜賊爲患而察其
人多凶俠不遜因之以飢饉恐其憂不止於竊攘剽
殺也輒艸具其事上之會有旨移湖州而止家所藏
書旣多亡軾而此書本以爲故紙糊籠篋獨得不燒
籠破見之不覺惘然如夢中事輒錄其本以獻軾廢
逐至此豈敢復言天下事但惜此事粗有益于世旣
不復施行猶欲公知之此則宿昔之心掃除未盡者

也公一讀訖卽燒之而已。

答秦大虛書

得罪以來不復作文字。自持頗嚴。若復一作。則決壞藩牆。今後仍復袞袞多言矣。初到黃廩入旣絕人口不少。私甚憂之。但痛自節儉。日用不得過百五十。每月朔便取四千五百錢。斷爲三十塊。掛屋梁上。平旦用。画叉挑取一塊。卽藏去。又仍以大竹筒別貯。用不盡者。以待賓客。此賈耘老法也。度囊中尚可支一歲有餘。至時別作經畫。水到渠成。不須預慮。以此曾中都無一事。所居對岸武昌山水佳絕。有蜀人王生在

坡公至受
用太過又
于攻壇時
受用更太
過此見春
夢婆之淺

古文奇賞

卷三

答秦大虛書

五十三

蘇軾

邑中。往。往。爲。風。濤。所。隔。不。能。卽。歸。則。王。生。能。爲。殺。雞。
炊。黍。至。數。日。不。厭。又。有。潘。生。者。作。酒。店。樊。口。棹。小。舟。
徑。至。店。下。村。酒。亦。自。醇。醖。柑。橘。枰。柿。極。多。大。芋。長。尺。
餘。不。減。蜀。中。外。縣。米。斗。二。十。有。水。路。可。致。羊。肉。如。北。
方。猪。牛。麋。鹿。如。土。魚。鱉。不。論。錢。岐。亭。監。酒。胡。定。之。載。
書。萬。卷。隨。行。喜。借。人。看。黃。州。曹。官。數。人。皆。家。善。庖。餽。
喜。作。會。太。虛。視。此。數。事。吾。事。豈。不。旣。濟。矣。乎。欲。與。太。
虛。言。者。無。窮。但。紙。盡。耳。展。讀。至。此。想。見。掀。髯。一。笑。也。

答李昭玘書

軾啓向得王子中兄弟書其道足下每相見語輒見

若李薦書
比虛名之
罪于无功
受于釣深
不敢人造
作言語移
相粉飾以
蓋其疾又
不畏矣而
且樂矣

及意相子甚厚即欲作書以道區區又念方以罪垢
廢放平生不相識而相向如此此人必有以不肖欺
左右者軾所以得罪正坐名過實耳年大以來平日
所好惡憂畏皆衰矣獨畏過實之名如畏虎也以此
未敢相聞今獲來書累幅首尾句句皆所畏者謹再
拜辭避不敢當然少年好文字雖自不能工喜誦他
人之工者今雖老餘習尚在得所示書及復不知厭
所稱道雖不然而然觀其筆勢俯仰亦足以粗得足下
爲人之一二也幸甚幸甚比日履茲春和起居何似
軾蒙庇粗遣每念處世窮困所向輒值牆谷無一遂

者獨於文人勝士多獲所欲如黃庭堅魯直晁補之
無咎秦觀太虛張耒文潛之流皆世未之知而軾獨
先知之今足下又不見鄙欲相從游豈造物者專欲
以此樂見厚也耶然此數子者挾其有餘之資而驚
於無涯之知必極其所如往而後已則亦將安所歸
宿哉惟明者念有以反之魯直既喪妻絕嗜好蔬食
飲水此最勇決舍弟子由亦云學道三十餘年今始
粗聞道考其言行則信與昔者有間矣獨軾倂侵焉
未有所得也

答張文潛
 度復後生
 獨得見古
 人之大全
 者王賴魯
 血少游元
 生以常與
 一守一人

軾啟比日酷暑不審起居何如頃承示長箋及詩文
 一軸日欲裁謝因循至今悚息今時爲文者至多可
 喜者亦衆然求如足下閒暇自得清美可味者實少
 也敬佩厚賜不敢獨饗當出之知者世間唯名實不
 可欺文章如金玉各有定價先後進相汲引因其言
 以信于世則有之矣至其品目高下蓋付之衆口決
 非一夫所能抑揚軾於黃魯直張文潛輩數子特先
 識之耳始謂其文蓋疑信者相半久乃自定翕然稱
 之軾豈能爲之輕重哉非獨軾如此雖向之前輩亦
 不過如此也而况外物之進退此在造物者非軾事

辱見貺之重不敢不盡承不久出都尚得一見否

與李方叔書

頃年於稠人中驟得張秦黃晁及方叔履常意謂天
不受寶其獲蓋未艾也。比來經涉世故。聞關四方更
欲求其似邈不可得。以此知人決不徒出。不有立於
先。必有覺於後也。如方叔飄然布衣亦幾不免。淳甫
少游又安所獲罪。遂斷弃其命。言之何益。付之清議
而已。憂患雖已過。更宜慎口以安晚節。

表忠觀碑

熙寧十年十月戊子資政殿大學士右諫議大夫知

之仁上讀
之附求搜
公集又讀
之

杭州軍州事臣朴言故吳越國王錢氏墳廟及其父
祖妃夫人子孫之墳在錢塘者二十有六在臨安者
十有一皆蕪廢不治父老過之有流涕者謹按故武
肅王鏐始以鄉兵破走黃巢名聞江淮復以八都兵
討劉漢宏并越州以奉董昌而自居於杭及昌以越
叛則誅昌而并越盡有浙東西之地傳其子文穆王
元瓘至其孫忠顯王仁佐遂破李景兵取福州而仁
祖之弟忠懿王俶又出兵攻景以迎周世宗之師
其後卒以國入覲三世四王與五代相終始天下大
亂豪傑蜂起方是時以數州之地盜名字者不可勝

漢書
卷之六
易

數既覆其族延及於無辜之民罔有孑遺而吳越地
方千里帶甲十萬鑄山煮海象犀珠玉之富甲於天
下然終不失臣節貢獻相望於道是以其民至於老
死不識兵革四時嬉游歌鼓之聲相聞至于今不廢
有德于斯民甚厚皇宋受命四方僭亂以次削平而
蜀江南負其嶮遠兵至城下力屈勢窮然後束手而
河東劉氏百戰守歿以抗王師積骸爲城醜血爲池
竭天下之力僅乃克之獨吳越不待告命封府庫籍
郡縣請吏于朝視去其國如去傳令其有功于朝廷
甚大皆實融以河西歸漢光武詔右扶風修理其父

子墳塋祠以大牢今錢氏功德殆過於融而未及百
年墳廟不治行道傷嗟甚非所以勸獎忠臣慰答民
心之義也臣願以龍山廢佛祠曰妙音院者爲觀使
錢氏之孫爲道士曰自然者居之凡墳廟之在錢塘
者以付自然其在臨安者以付其縣之淨土寺僧曰
道徽歲各度其徒一人使世掌之籍其地之所入以
時修其祠宇封殖其艸木有不治者縣令正察之甚
者易其人庶幾永終不墮以稱朝廷待錢氏之意臣
并昧死以聞制曰可其妙因院改賜名曰表忠觀銘
曰天目之山茗水出焉龍飛鳳舞萃于臨安篤生

異人絕類離羣奮挺大呼從者如雲仰天誓江月星
晦蒙強弩射潮江海爲東殺宏誅昌奄有吳越金券
玉冊虎符龍節大城其居包絡山川左江右湖控引
島密歲時歸休以燕父老曄如神人玉帶毬馬四十
一年寅畏小心厥篚相望大貝南金五朝昏亂罔堪
託國三五相承以待有德旣獲所歸弗謀弗咨先王
之志我惟行之天胙忠孝世有爵邑允文允武子孫
千億帝謂守臣治其祠墳毋俾樵牧愧其後昆龍山
之陽歸焉新宮匪私于錢唯以勸忠非忠無君非孝
無親凡百有位視此刻文

祭張文定公文

載於天下。未嘗誌墓。獨銘五人。皆盛德故。偉歟我公。
實浮于聲。知公者天。寧俟此銘。今公未歸。我留淮海。
寓辭千里。濡袂有淮。尚饗。

題三國名臣贊

尚是定論
即三國文
字極可觀
西漢之士多智謀。薄于名義。東京之士尚風節。短于
權略。兼之者三國名臣也。而孔明巍然三代王者之
佐。未易以世論。

雪浪齋銘 并引

予于中山後園得黑石白脈如蜀孫位孫知微所画

石間奔流盡水之變又得白石曲陽爲大盆以盛之
激水其上其室曰雪浪齋云
盡水之變蜀兩孫與不傳者歸九原異哉駁石雪浪
翻石中乃有此理存玉井芙蓉丈八盆伏流飛空漱
其根東坡作銘豈多言四月辛酉紹聖元

錫杖泉

錫杖泉在羅浮寶積寺卽景泰禪師卓錫之地亦謂
之卓錫泉蘇軾曰予昔自汴入淮泛江浙漢歸蜀飲
江淮水蓋彌年旣至覺井水腥澀百餘日然後安之
以此知江之甘于井也審矣予來嶺外自揚子江始

飲江水及至南康江益清駛水益甘則又知南江賢於北江也近度嶺入清遠峽水色如碧玉味亦益勝今日游羅浮酌景泰禪師錫杖泉則清遠水又在下矣嶺外惟惠人喜鬪茶此水不虛出也

記游

昔爲鳳翔幕過長安見劉原父留吾劇飲數日酒酣謂吾曰昔陳季弼告陳元龍曰聞遠近之論謂明府驕而自矜元龍曰夫閨門雍穆有德有行吾敬陳元方兄弟淵清玉潔有禮有法吾敬華子魚清修疾惡有識有義吾敬趙元達博聞強記奇逸卓犖吾敬孔

慮爲世間
高人長者
所笑蓋指
此等

文舉雄姿傑出。有王伯之略。吾敬劉玄德所敬如此。何驕之有餘。子瑣瑣亦安足錄哉。因仰天太息。此亦原父之雅趣也。吾後在黃州作詩云。平生我亦輕餘子。晚歲誰人念此翁。蓋記原父語也。原父既沒久矣。尚有貢父在。每與語。今復歿矣。何時復見此俊傑人乎。悲夫。

古迹

黃州守居之數百步爲赤壁。或言卽廟瑜破曹公處。不知果是否。斷崖壁立。江水深碧。二鵝巢其上。有二虵。或見之。遇風浪靜。輒乘小舟至其下。捨舟登岸入。

徐公洞非有洞穴也。但山崦深邃耳。圖經云是徐邈不知何如人。非魏之徐邈也。岍多細石。往往有溫瑩如玉者。深淺紅黃之色。或細紋如人手指螺紋也。既數游得二百七十枚。大者如棗栗。小者如芡實。又得一古銅盆。盛之注水。粲然有一枚如虎豹首。有口鼻眼處以爲羣石之長。

范祖禹可著作郎

敕具官范祖禹左右起居東觀著作皆史事也。今左右史讀書已行之政有司之常事。至于廊廟大議。君臣相與之際。所以興壞治忽之由。一歸于東觀。則著

作之任顧不重歟非得直亮多聞古之所謂益友者
奮筆于其間則善惡質亂後世無所考信汝既任其
職矣益進而專之朕苟有過猶當直書而况其餘乎
往祇厥官無曠乃職可

張汝賢可直龍圖閣發運副使

敕具官張汝賢朝廷於南方復置都漕者所以均節
諸路之有無使歲課時入而已非以求贏也至俗吏
爲之則多收羨財以幸恩寵而民受其病以爾昔爲
御史號稱敢言奉使江表臯人斯得庶幾知義利之
分者是以命爾寵之新職往惟欽哉

王哲可知衛州

敕具官王哲凡我四朝之舊經德秉哲篤老不衰者
今幾人哉以爾好學守節名在循吏而久不治民朕
甚惜之大行之麓民朴訟簡守以安靜莫如汝宜可
韓維父億冀國公

敕朕聞仁宗在位之久有同成康得士之盛不減武
宣如儲藥石以待疾病如植梓漆以脩器用凡在左
右文武之選率多慶曆嘉祐之人而況一時之老成
與聞當年之大政德業傳于父老儀刑見于子孫名
在國史像在原廟朕用慨然想見其人具官某故父

參知政事贈太師秦國公某少稟異材進由直道出
爲循吏入爲名卿福祿終身而人不疵富貴奕世而
天不厭篤生三子翼輔兩朝旌旄交馳 綦戟互設朕
欲賁其家廟而賔已窮于人爵改封大國益著隆名
庶使昭陵之老臣永爲北土之藩輔

童珪父參年一百二歲可承輔郎致仕

敕童珪父參古者天子巡守方岳之下問百年者就
見之而絳縣役老趙武謫其與尉今汝黃髮駮背以
上壽聞其可使與編戶齒乎往以忠孝教而子孫可

賜新除落致仕依前光祿大夫范鎮赴闕詔

敕范鎮夫有德君子以精神折衝譬之麟鳳能服猛
鷙朕虛懷前席以致諸老非敢必以事諉也苟得黃
髮之叟皤然在位則朝廷尊嚴奸宄消伏卿雖篤老
乃心王室母憚數舍之勞以副中外之望

王安石贈太傅

敕朕式觀古初灼見天意將有非常之大事必生希
世之異人使其名高一時學貫千載智足以達其道
辯足以行其言瑰璋之文足以藻飾萬物卓絕之行
足以風動四方用能于期歲之間靡然變天下之俗
故觀文殿大學士守司空集禧觀使王安石少學孔

孟○晚○師○瞿○聃○罔○羅○六○藝○之○遺○文○斷○以○已○意○糠○粃○百○家○
之○陳○迹○作○新○斯○人○屬○熙○寧○之○有○爲○冠○羣○賢○而○首○用○信○
任○之○篤○古○今○所○無○方○需○功○業○之○成○遽○起○山○林○之○興○浮○
雲○何○有○脫○疑○如○遺○屢○爭○席○於○漁○樵○不○亂○羣○于○麋○鹿○進○
退○之○際○雍○容○可○觀○朕○方○臨○御○之○初○哀○疚○罔○極○乃○眷○三○
朝○之○老○邈○在○大○江○之○南○究○觀○規○模○想○見○風○采○豈○謂○告○
終○之○問○在○予○諒○闇○之○中○胡○不○百○年○爲○之○一○涕○於○戲○歟○
生○用○捨○之○際○孰○能○違○天○贈○賻○哀○榮○之○文○豈○不○在○我○是○
用○寵○以○師○臣○之○位○蔚○爲○儒○者○之○光○庶○幾○有○知○服○我○休○
命○可○特○贈○守○太○傅○

林希可中書舍人

敕文章之變與時盛衰譬如八音可以觀政而況詰
命之出學者所師號令以之重輕風俗因而厚薄本
朝革五代積衰之氣繼兩漢爾雅之文而大道中微
異端所汨欲復祖宗之舊必以訓詞爲重故難其人
不以輕授具官林希博聞強識篤學力行綽有建安
之風流逮聞正始之議論徑踐外制爲朝廷常潤色
其精微期配昔人使天下識典刑之髣髴務究所學
朕將觀焉可

峻靈王廟記

公之贊元
宗如此

古者王室及大諸侯皆有寶周有琬琰大玉魯有夏
后氏之璜皆所以守其社稷鎮其人民也唐代宗之
世有比丘尼若夢恍惚見上帝得八寶以獻諸朝且
傳命曰中原兵久不解腥聞于天故以此鎮之卽改
元寶應是以知天亦分寶鎮世也自徐聞渡海歷瓊
至儋耳又西昌化縣西北有山秀峙海上石峯巉然
若巨人冠帽西南向而坐者里人謂之山落膊而僞
漢之世封其山神鎮海廣德王五代之末南夷有望
氣者曰是山有寶氣上達于天艤舟其山斷山發石
求之夜半大風浪駕其舟空中碎之石峰之右夷

皆溺死儋之父老猶有及見敗船山上者今獨有石存焉耳天地之寶非人之所得睥睨者晉張華使其客雷煥發豐城獄取寶劒佩之終以過禍坐此也今夫此山之上上帝賜寶以奠南極而貪昧亡知之夷欲以力取而已有之其誅死宜矣紹聖四年七月瓊州別駕蘇某以罪遣於儋至元符三年五月詔徙庶州自念謫居海南三載飲鹹食腥凌暴雨颶霧而付生還者山川之神實相之謹再拜稽首向西而辭焉且書其事碑而銘之山有石池產有紫鱗氏不可犯石峯之側有荔枝黃柑得就食持去即有風霆之

何等職見
何等筆力

度支副使廳壁題名記

王安石

三司副使不書前人名姓嘉祐五年尚書戶部員外郎呂君冲之始稽之衆史而自李紘已上至查道得其名自楊偕已上得其官自郭勸已下又得其在事之歲時於是書石而鑱之東壁夫合天下之衆者財理天下之財者法守天下之法者吏也吏不良則有法而莫守法不善則有財而莫理有財而莫理則阡陌閭巷之賤人皆能私取予之勢擅萬物之利以與人主爭黔首而放其無窮之欲此一句句猶有神妙非必貴強桀大而後能如是而天子猶爲不失其民者蓋特號而已耳雖

欲食蔬衣救憔悴其身愁思其心以幸天下之給足而安吾政吾知其猶不得也然則善吾法而擇吏以守之以理天下之財雖上古堯舜猶不能毋以此爲先急而况於後世之紛紛乎三司副使方今之大吏

荆公之創條例自爲此意

朝廷所以尊寵之甚脩蓋今理財之法有不善者其勢皆得以議于上而改爲之非特當守成法各出入以從有司之事而已其職事如此則其人之賢不肖利害施于天下如何也觀其人在事之歲時以求其政事之見于今者而考其所以佐上理財之方則其人之賢不肖與世之治否吾可以坐而得矣此

蓋呂君之志也

芝閣記

公本色
佳處

祥符時封泰山以文天下之平四方以芝來告者萬
數其大吏則天子賜書以寵嘉之小吏若民輒錫金
帛方是時希世有力之大臣窮搜而遠采山農埜老
攀緣狙杙以上至不測之高下至澗溪壑谷分崩裂
絕幽窮隱伏人迹之所不通往往求焉而芝出于九
州四海之間蓋幾于盡矣至今上卽位謙讓不德自
大臣不敢言封禪詔有司以祥瑞告者皆勿納於是
感慨可須神奇之產銷藏委翳於蒿藜榛莽之間而山農埜老
辱于凡民

逸興滿眼
餘音不

不復知其爲瑞也。則知因一時之好惡而能成天下之風俗。况於行先王之治哉。太丘陳君學文而好奇。芝生于庭。能識其爲芝。惜其可獻而莫售也。故閣于其居之東。偏掇取而藏之。蓋其好奇如此。噫。芝一也。或賚于天子。或賚于士。或辱于凡民。夫豈不以時乎哉。士之有道。固不役志于貴賤。而卒所以貴賤者何。以異哉。此予之所以歎也。

遊褒禪山記

褒禪山亦謂之華山。唐浮圖慧褒始舍于其址而卒。塋之以故。其後名之曰褒禪。今所謂慧空禪院者。褒

之廬冢也距其院東五里所謂華山洞者以其乃華

山之陽名之也距洞百餘步有碑仆道其文泐滅獨

賄伏蒿末案

其爲文猶可識曰花山今言華如華實之華者蓋音
謬也其下平曠有泉側出而記遊者甚衆所謂前洞
也由山以上五六里有穴窈然入之甚寒問其深則
其好游者不能窮也謂之後洞予與四人擁火以入
入之愈深其進愈難而其見愈奇有怠而欲出者曰
不出火且盡遂與之俱出蓋予所至此好遊者尚不
娘娜能十一然視其左右來而記之者已少蓋其又深則
其至又加少矣方是時予之力尚足以入火尚足以

明也。既其出，則或咎其欲出者。而予亦悔其隨之而不得。極夫遊之樂也。於是予有歎焉。古人之觀于天地山川、艸木蟲魚鳥獸，往往有得以其求思之深而無不在也。夫夷以近，則遊者衆；險以遠，則至者少。而世之奇偉瑰怪非常之觀，常在于險遠，而人之所罕至焉。故非有志者不能至也。有志矣，不隨以止也。然力不足者，亦不能至也。有志與力，而又不隨以怠，至于幽暗昏惑，而無物以相之，亦不能至也。然力足以至焉，于人为可譏，而在己為有悔。盡吾志也而不能至者，可以無悔矣。其孰能譏之乎？此予之所得也。予

悲慨悽惋
事文多賦

于什碑又以悲夫古書之不存後世之謬其傳而莫
無○旁○之○感○
能名者何可勝道也哉此所以學者不可以不深思
而慎取之也四人者廬陵蕭君主君玉長樂王回涪
父予弟安國平父安上純父至和年七月某日臨川
王某記

秘閣校理丁君墓誌銘

朝奉郎尚書司封員外郎充秘閣校理新差通判未
州軍州兼管內勸農事上輕車都尉賜緋魚袋晉陵
丁君卒臨川王某曰噫吾僚也方吾少時輔我以仁
義者乃發哭弔其孤祭焉而許以銘越三月君壻以

狀至乃敘銘赴其葬敘曰君諱寶臣字元珍少與其
兄宗臣皆以文行稱鄉里號爲二丁景祐中皆以進
士起家君爲峽州軍事判官與廬陵歐陽公游相好
也又爲淮南節度掌書記或誣富人以博州將貴人
也猜而黥吏莫敢議君獨力爭正其獄又爲杭州觀
察判官用舉者兼州學教授又用舉者遷太子中允
知越州剡縣蓋其始至流大姓一人而縣遂治卒除
弊興利甚衆人至今言之於是再遷爲太常博士移
知端州儂智高反攻至其治所君出戰能有所捕斬
然卒不勝乃與其舟人皆去而避之坐免一官徙黃

不掩其失亦于中回護

州會恩除太常丞監湖州酒又以大臣有解舉者選
博士就差知越州諸暨縣其治諸暨如剡音語越人滋以
君爲循吏也英宗卽位以尚書屯田員外郎編校秘
閣書籍遂爲校理同知太常禮院君質直自守接上
下以恕雖貧困未嘗言利于朋友故舊無所不盡故
其不幸廢退則人莫不憐少進也則皆爲之喜居無
何御史論君嘗廢矣不當復用遂出通判永州世皆
以咎言者謂爲不宜夫不○可○不○縱○可○恨○可○矜○毆未嘗教之卒臨不可守之
城以戰帑狼百倍之賊議今之法則獨可守歟爾論
古之道則有不去以死有去之以生吏方操法以責

又○回○護○

誌孔處士
曰漢之東

徙高守節
之士而亦

以故成俗
故當世處

士之聞獨
多于后世

乃世于今
其名爲賢

而處者基
亦尤有凡

士則君之流離窮困幾至老死尚以得罪于言者亦
其理也銘曰文于辭爲達行於德爲充道于古爲
可命于今爲窮嗚呼已矣卜此新宮

妙

王深甫墓志銘

通篇以虛景相感慨而多沉鬱之思

吾友深甫書足以致其言言足以遂其志志欲以聖

人之道爲已任蓋非至于命弗止也故不爲小廉曲

謹以投衆人耳目而取舍進退去就必度于仁義世

知而難句

皆稱其學問文章行治然真知其人者不多而多見

謂迂濶不足趣時合變嗟乎是乃所以爲深甫也今

深甫而有以合乎彼則必無以同乎此矣嘗獨以謂

行于世邪

天之生夫人也殆將以壽考成其才使有待而後顯以施澤于天下或者誘其言以明先王之道覺後世之民嗚呼孰以為道不任于天德不酬于人而今死矣甚哉聖人君子之難知也以孟軻之聖而弟子所願止于管仲晏嬰况餘人乎至于楊雄尤當世之所賤簡其為門人者一侯芭而已芭稱雄書以為勝周易不可勝也芭尚不為知雄者而人皆曰古之人生無所遇合至其沒久而後世莫不知若軻雄者其沒皆過千歲讀其書知其意者甚少則後世所謂知者未必真也夫此兩人以老而終幸能著書書具在

然尚如此嗟乎深甫其智雖能知軻其於爲雄雖幾
無○限○之○悲○無○限○之○惜
可以無悔然其志未就其書未具而旣早歿豈特無
所遇于今又將無所傳于後天之生夫人也而命之
如此蓋非予所能知也銘曰 嗚呼深父維德之仔
肩以迪祖武厥艱荒遐力必踐取莫吾知庸亦莫吾
侮神則尚反歸形此土

比部陳君墓銘

於此有木焉一本而中分其材均樹之時又均或斷
而文或剖以爲犧尊誰令然邪其偶然邪吾又何嗟
荆州北路轉運判官尚書屯田郎中劉君墓銘

蕭折

自負

嗟乎劉君宜壽而顯何畜之久而施之淺雖或止之亦或使之惟其有命故止于斯

泰州海陵縣主簿許君墓銘

有拔而起之莫擠而止之嗚呼許君而已于斯誰或使之

胡君墓銘

壽七十一不為不多吾與之銘千古不磨

建安章君墓銘

弗績弗雕弗跂以為高俯以狎於埜仰以游於朝中則有實視銘其昭

祭周道幾文

初我見君皆童而幘意氣豪悍崩山決澤弱冠相視
隱憂困窮貌則侔年心顏如翁俛仰悲歡超然一世
皓髮黧顴分當先斃孰知君子赴我稱孤發封涕洟
舉屋驚呼行與世乖惟君繾綣弔禍問疾書猶在眼
序銘于石以報德音設辭雖褊義不愧心君寔愛我
祭其如歆

祭曾博士易占文

嗚呼公以罪廢寔以不幸卒困以天亦惟其命命與
才違人寔知之名之不幸知者爲誰公之閭里宗親

黨友知公之名於寔無有嗚呼公初公志如何孰云
不諧而厄孔多地大天穹有時而毀星日脫敗山傾
谷圯人居其間萬物一偏固有窮通世數之然至其
壽天尚何憂喜要之百年一蛻以歿方其生時窘若
囚拘其歿以歸混合空虛以生易歿歿者不祈惟其
不是生者之悲公今有子能隆公後惟彼生者可無
甚悼嗟埋則然其情難忘哭泣馳辭往侑奠觴

祭高師雄主簿文

起使曠

我始寄此與君往還于時康定慶曆之間愛我勤我
急我所難日月一世疾于跳丸南北幾時相見悲歡

青嶠之文

歐陽公祭
文忠公文
卷第一

去歲憂除追尋陳迹淮水之上治城之側握手笑語
有如一昔屈指數日待君歸舫安知彌年乃見哭庭
維君家行可謂修飭如其智能亦豈多得垂老一命
終于遠域豈惟故人所爲嘆惜撫棺一奠以告心惻

祭歐陽文忠公文

夫事有人力之可致猶不可期況乎天理之冥冥又
安可得而推惟公生有聞于當時死有傳于後世苟
能如此足矣而亦又何悲如公器質之深厚智識之
高遠而輔學術之精微故充于文章見于議論豪健
俊偉怪巧瑰琦其積于中者浩如江河之停蓄其發

于外者爛如日星之光輝其清音幽韻淒如飄風
雨之驟至其雄辭閎辯快如輕車駿馬之奔馳世之
學者無問乎識與不識而讀其文則其人可知嗚呼
自公仕宦四十年上下往復感世路之崎嶇雖屯遭
困躓竄斥流離而終不可撓者以其公議之是非既
堅復起遂顯于世果敢之氣剛正之節至晚而不衰
方仁宗皇帝臨朝之末年顧念後事謂如公者可寄
以社稷之安危及夫發謀決策從容指顧立定大計
謂千載而一時功名成就不居而去其出處進退又
庶乎英魄靈氣不隨異物腐散而長在乎箕山之側

與。潁。水。之。涓。然。天。下。之。無。賢。不。肖。且。猶。爲。涕。泣。而。歔。
歔。而。況。朝。士。大。夫。乎。昔。游。從。又。予。心。之。所。嚮。慕。而。瞻。
依。嗚。呼。盛。衰。興。廢。之。理。自。古。如。此。而。臨。風。想。望。不。能。
忘。情。者。念。公。之。不。可。復。見。而。其。誰。與。歸。

唐論

宋蘇轍

此等文字
今有數刊
用云深究
利害是大
文字

天下之變常伏于其所偏重而不舉之處故內重則
暗用
爲內憂外重則爲外患古者吏兵京師外無強臣天
下之事皆制于內當此之時謂之內重內重之弊姦
臣內擅而外無所忌匹夫橫行於四海而莫能禁其
亂不起于左右之大臣則生于山林小民之英雄故
夫天下之重不可使專在內也古者諸侯大國或數
百里兵足以戰食足以守而其權足以生殺然後能
使四夷盜賊之患不至于內天子之大臣有所畏忌
而內患不作當此之時謂之外重外重之弊諸侯擁

兵而內無以制。由此觀之。則天下之重固不可使在內。而亦不可使在外也。自周之衰。齊晉秦楚。縣地千里。內不勝于其外。以至于滅亡而不救。秦人患其外之已重。而至于此也。于是收天下之兵而聚之關中。夷滅其城池。殺戮其豪傑。使天下之命皆制于天子。然至于二世之時。陳勝吳廣大呼起兵。而郡縣之吏熟視而走。無敢誰何。趙高擅權于內。願指如意。雖李斯爲相。備五刑而灰于道路。其子李由守三川。擁山河之固。而不敢校也。此二患者。皆始于外之不足。而無有以制之也。至于漢興。懲秦孤立之弊。乃大封侯。

王而高帝之世反者九起其遺孽餘烈至于文景而爲淮南濟北吳楚之亂于是武帝分裂諸侯以成大國之禍而其後百年之間王莽遂得以奮其志于天下而劉氏之子孫無復齟齬魏晉之世乃益侵削諸侯四方微弱不復爲亂而朝廷之權臣山林之匹夫常爲天下之大患此數君者其所以制其內外輕重之際皆有以自取其亂而莫之或知也夫天下之重在內則爲內憂在外則爲外患而秦漢之間不求其勢之本末而更相懲戒以就一偏之利故其禍循環無窮而不可解也且夫天子之于天下非如婦人孺

子之愛其所有也得天下而謹守之不忍以分于人
此匹夫之所謂智也而不知其無成者未始不自不
分始故夫聖人將有所大定于天下非外之有權臣
則不足以鎮之也而後世之君乃欲去其爪牙翦其
股肱而責其成功亦已過矣夫天下之勢內無重則
無以威外之強臣外無重則無以服內之大臣而絕
姦民之心此二者其勢相持而後成而不可一輕者
也昔唐太宗旣平天下分四方之地盡以沿邊爲節
度府而范陽朔方之軍皆帶甲十萬上足以制夷狄
之難下足以備匹夫之亂內足以禁大臣之變而將

師之臣常不至于叛者內有重兵之勢以預制之也
正觀之際天下之兵八百餘府而在關中者五百舉
天下之衆而後能當關中之半然而朝廷之臣亦不
至于乘隙間釁以邀大利者外有節度之權以破其
心也故外之節度有周之諸侯外重之勢而易置從
命得以擇其賢不肖之才是以人君無征伐之勞而
天下無世臣暴虐之患內之府兵有秦之關中內重
之勢而左右謹飭莫敢爲不義之行是以上無逼奪
之危下無誅絕之禍蓋周之諸侯內無府兵之威故
陷于逆亂而不能以自止秦之關中外無節度之援

故○脅○於○大○臣○而○不○能○以○自○立○有○周○秦○之○利○而○無○周○秦○
之○害○形○格○勢○禁○內○之○不○敢○爲○變○而○外○之○不○敢○爲○亂○未○
有○如○唐○制○之○得○者○也○而○天○下○之○士○不○究○利○害○之○本○末○
猥○以○成○敗○之○遺○踪○而○論○計○之○得○失○徒○見○開○元○之○後○強○
兵○悍○將○皆○爲○天○下○之○大○患○而○遂○以○太○宗○之○制○爲○猖○狂○
不○審○之○計○夫○論○天○下○論○其○勝○敗○之○形○以○定○其○法○制○之○
得○失○則○不○若○窮○其○所○由○勝○敗○之○處○蓋○天○寶○之○際○府○兵○
四○出○萃○于○范○陽○而○德○宗○之○世○禁○兵○皆○戍○趙○魏○是○以○祿○
山○朱○泚○得○至○于○京○師○而○莫○之○能○禁○一○亂○塗○地○終○于○昭○

宗○而○天○下○卒○無○寧○歲○內○之○強○臣○雖○有○輔○國○元○振○守○澄○

士良之徒而卒不能制唐之命誅王涯殺賈餗自以爲威震四方然劉從諫爲之一言而震懼自斂不敢復肆其後崔昌遐倚朱溫之兵以誅宦官去天下之監軍而無一人敢與抗者由此觀之唐之衰其弊在于外重而外重之弊起于府兵之在外非所謂制之失而後世之不用也

愚竊謂今之兵滿天下並不得藉之行伍以折衝禦侮而北自遼陽迄臨洮延袤五千餘里僅得戍守之兵以乘障游徼于其塞耳然無唐之節度府帶甲十萬之勢以爲外重故胡人得以蹂躪我疆

場殺戮我人民其于南粵一帶亦然至于京師所
藉兵十餘萬僅足以供天子之工匠與中官勢人
者之侵漁而已又無唐之內設府兵五百以爲居
重馭輕之威是所爲內外無以爲重者也故四夷
數侵歲以爲常而中州則有一夫跳梁往往衡越
不能遽熄豈非兵政無以制中外之亂歟

茅坤記

寄歐陽舍人書

曾鞏

鞏頓首載拜舍人先生去秋人還蒙賜書及所撰先
大父墓碑銘反覆觀誦感與慙并夫銘志之著于世
義近於史而亦有與史異者蓋史之於善惡無所不
書而銘者蓋古之人有功德才行志義之美者思後
世之不知則必銘而見之或納于廟或存于墓一也
苟其人之惡則于銘乎何有此其所以與史異也其
辭之作所以使死者無有所憾生者得致其嚴而善
人喜于見傳則勇於自立惡人無有所紀則以媿而
思至于通材達識義烈節士嘉言善狀皆見於篇則

足爲後法警勸之道非近乎史其將安近及世之衰
人之子孫者一欲褒揚其親而不本乎理故雖惡人
皆務勒銘以誇後世立言者旣莫之拒而不爲又以
其子孫之所請也書其惡焉則人情之所不得於是
乎銘始不寔後之作銘者當觀其人苟託之非人則
書之非公與是則不足以行世而傳後故千百年來
公卿大夫至于里巷之士莫不有銘而傳者蓋少其
故非它託之非人書之非公與是故也然則孰爲其
人而能盡公與是歟非畜道德而能文章者以爲
也蓋有道德者之於惡人則不受而銘之於衆人則

能辨焉而人之行有情善而迹非有意好而外泝有
善惡相縣而不可以實指有實大於名有名侈於實
猶之用人非畜道德者惡能辨之不惑議之不徇不
惑不徇則公且是矣而其辭之不工則世猶不傳於
是又在其文章兼勝焉故曰非畜道德而能文章者
無以爲也豈非然哉然畜道德而能文章者雖或並
世而有亦或數十年或一二百年而有之其傳之難
如此其遇之難又如此若先生之道德文章固所謂
數百年而有者也先祖之言行卓卓幸遇而得銘其
公與是其傳世行後無疑也而世之學者每觀傳記

所謂古人之事至其所可感則往往盡然不知涕之
流落也況其子孫也哉況輩也哉其追晞祖德而思
所以傳之之繇則知先生推一賜於輩而及其三世
其感與報宜若何而圖之抑又思若輩之淺薄滯拙
而先生進之先祖之屯蹙否塞以死而先生顯之則
世之魁閥豪傑不世出之士其誰不願進於門潛遁
幽抑之士其誰不有望于世善誰不爲而惡誰不愧
以懼爲人之父祖者孰不欲教其子孫爲人之子孫
者孰不欲寵榮其父祖此數美者一歸於先生旣拜
賜之辱且敢進其所以然所論世族之次敢不承教

而加詳焉愧甚不宜

贈黎安二生序

趙罷蘇軾予之同年友也自蜀以書至京師遺予稱
蜀之士曰黎生安生者旣而黎生攜其文數十萬言
安生攜其文亦數千言辱以顧余讀其文誠閎壯雋
偉善反復馳騁窮盡事理而其材力之放縱若不可
極者也二生固可謂魁奇特起之士而蘇君固可謂
善知人者也頃之黎生補江陵府司法參軍將行謂
予言以爲贈余曰余之知生旣倍于必矣乃將以
言相求于外邪黎生曰生與安生之學於斯文里之

人皆笑以爲迂濶今求子之言蓋將解以正爲奇惑於里人余

耆之自顧而笑夫世之迂濶孰有甚於余乎知信乎

古而不知合乎世知志乎道而不知同乎俗此余所

以困於今而不自知也世之迂濶孰有甚於余乎今

生之迂特以文不近俗迂之小者耳患爲笑于里之

人若予之迂大矣使生持吾言而歸且重得臯庸詎

止于笑乎然則若予之于生將何言哉謂余之迂爲

善則其患若此謂爲不善則有以合乎世必違乎古

有以同乎俗必離乎道矣生其無急于解里人之惑

則於是焉必能擇而取之遂書以贈二生并示蘇君



